

TA PARCE CU BABY A STIK CU LECHI



DIALUNA pa mas o menos 2.15 di merdia autoridadnan a wordo manda cu urgencia na e cas aki na Catiri unda cu un baby a bira malo y parce no ta reaccionando. Despues cu el a wordo hiba hospital, a wordo anuncia casi un ora despues cu e no a sobreviví. Autoridadnan ta investigando e caso aki.

PG.3

Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service

Your protection partner since 1996

INVEST SECURE N.V.

Phone: (297) 582-7252
E-mail: insec@setarnet.aw
f: [@investsecurearuba](https://www.facebook.com/investsecurearuba)

*We don't just say it...
We Guarantee it!*

TURISTA A FAYECE NA BEACH

DIALUNA mainta algo prome cu 11or Polis a bay atende cu un turista cu ta pidi pa ayudo na Arashi Beach. Polis cu a wordo manda na e sitio a bin compronde for di e pareha cu e señora a bira malo dado momento. El a sak den otro ora nan tabata gewoon canando riba beach. Ambulans a yega un rato despues y a cuminsa duna e victima CPR, a sigui purba pa casi 40 minuut pero no por a haci nada otro cu yama Dokter pa bin constata morto. Pa 12:05 dr. Texier a constata morto di S.H. naci 3 di Januari 1976 na Alemania.

Mientras cu CAFT lo a ricibi esaki diabierna ultimo

Parlamento no a ricibi concepto di 'Financieel Economisch Memorandum' di Gobierno



DEN periodo di formacion y despues di instalacion di gobierno di coalicion, tanto Prome Minister y otro miembronan di e gabinete actual, a pone enfasis riba transparencia y fortificacion di posicion Parlamento como organo legislativo.

Miembro di fraccion di AVP, Parlamentario Richard Arends, ta muestra cu e promesanan aki ya caba a wordo negligha ora cu diabierna ultimo, por a nota den prensa cu Minister di Finansa, Asuntonan Economico y Cultura, a entrega un concepto di su plan financiero na e colegio di supervision financiero temporal, esta CAFT.

Sr Arends ta muestra cu na mes momento cu e mandatario a anuncia cu den curso di e dianan cu ta bin, lo e duna medionan di comunicacion mas informacion riba e asina yama Financieel-Economisch Memorandum (FEM) cu gobierno a entrega na CAFT.

Sinembargo ningun caminda e man-

datario a menciona cu e lo bay Parlamento pa duna informacion riba e plan di maneho aki.

Sr Arends a declara cu aki claramente gobierno ta opta Parlamento afo, ya cu e prome organo cu mester haya e documento aki pa analisa y pone su mes na altura di dje, ta Parlamento. Parlamento ta co-legislador y ta e prome pa trata presupuesto pa 2018. CAFT na su turno ta un colegio di consulta na Gobierno y Parlamento pa loke ta trata finanzas publico.

“Pues no por papia di transparencia, tampoco por papia di fortificacion di posicion di Parlamento si Gobierno di Aruba, a opta pa duna CAFT – un colegio di consulta cu no tin un rol den e proceso legislativo – prome cu Parlamento mes.

Parlamento ta e organo na cual e tin cu duna cuenta prome cu tur otro instancia.

Ta Parlamento ta e organo cu mester supervisa y controla maneho di gobierno,” ser Arends a declara.

“Gobierno tin di cumpli cu e norma stipula pa e ley di supervision financiero temporal, esta un surplus di 0.5% pa aña 2018.”

Mientras cu for di expresionnan den prensa, como tambe lenguahe di e mandatarionan ta papia cu gobierno tin cu bay mira con lo mester aumenta su entradanan pa asina por cumpli cu e normanan stipula pa logra deficit di presupuesto pa 2018, te ainda no tin claridad pa Parlamento con

esaki lo tuma luga.

Gabinete Mike Eman II tambe mester a haci tur tipo di ehercicio pa asina cumpli cu e normanan cu a wordo stipula pa logra reduci e deficit riba presupuesto y a logra esaki sin cu mester a introduci un of otro medida riba lomba di pueblo.

No solamente a logra esaki cu presupuestonan di 2015, 2016 y 2017 pero tur esakinan despues a conta cu aprobacion di CAFT.

“Ta trata aki di un reduccion di casi 500 miyon florin den e ultimo 4 añanan.

Gobierno actual practicamente ta trahando den tur secreto riba presupuesto 2018 cu mester wordo entrega manera e extension palabra cu ta dia 23 di februari, pero te ainda no tin indicacion algun cu esaki lo wordo logra mirando cu e concepto di e plan financiero FEM a keda cla un dia despues di e fecha stipula.

“E yamado na bipartisanship pa diferente instancianan internacional, como tambe di Reino, ta wordo limita na momento di Parlamento no ta haya oportunidad di duna su aporte,” e la splica.

Parlamentario Richard Arends a muestra cu Parlamento no a ricibi niun documento oficial di loke gobierno ta haciendo, Minister no a bin Parlamento pa duna informacion riba e trabou cu ta wordo haci y gobierno a dicidi di duna CAFT e control riba finansa publico na luga di informa Parlamento cu ta e institucion cu mester haci e prome control.

Ta parce cu Baby a stik cu lechi

AYERA den oranan di merdia alarma grandi a wordo bati pa un caso serio cu a tuma luga na Catiri, unda cu un baby no ta dunando señal di bida.

Mesora a manda ambulance, first-aid responder y Polis na e sitio cu e maximo urgencia. Ta parce cu e bisiñanan dado momento a tende un señora na grito na un cas unda cu lo tin un creche. Mesora algun a yega eynan y a haya e señora na grito y yoramento pasobra un baby no tabata reacciona y su color a bira blauw / biña. E paramediconan cu a yega prome cu a cuminsa traha riba dje mientras cu ambulance tabata yegando. A logra haya un reaccion pa cual a bay cune hospital. Un rato despues, 3.29 di atardi, a drenta informacion cu a baby no a sobrevivir y cu Dokter a constata



morto di e mucha muhe J.A.V. Kelly, naci dia 21 di december 2017. E baby pues tabatin solamente 2 luna di bida. Aparentemente el a stik den su lechi.

Recherchenan a wordo manda na e cas, na momento cu e melding a drenta, pa cuminsa haci e investiga-

cionnan necesario cu ta wordo combina cu autopsia cu ta bay wordo haci riba e curpa. E mama di e baby a bay den shock y tambe a wordo hiba hospital.

Na e mayornan y demas famia AWE-Mainta ta manda palabra di condolencia.

Minister di Labor Glenbert Croes

“Mi kier mira un aumento substancial di salario minimo e aña’ki ainda”

DURANTE un conferencia di prensa di Gabinete Wever Croes, a keda anuncia door di Minister di Labor un reunion importante cu a tuma luga dialuna den oranna di merdia cu Departamento di Labor.

Minister Glenbert Croes a splica den e conferencia di prensa cu dicho reunion e lo instrui e funcionarionan concerni pa cuminsa cu e tramitenan pa yega na aumento e salario minimo. E mandatario a enfatisa cu e aumento cu e ta papia di dje ta uno substancial, pues nada di 25 ni 50 florin, y cual ta necesario den e crisis social cu ta existi aworaki. Esaki, el a bisa ta pa permiti tur hende cu ta biba y traha na Aruba tin un bida digno. E

anuncio aki ta bini despues di e anuncio di Minister di Asuntonan Economico pa ampliacion di e canasta basico. Tambe el a recorda cu bijstand ta mara na e salario minimo, locual ta nifica si e ultimo aki subi, e bijstand tambe lo aumenta. “Mi deseo ta cu e aumento aki drenta na vigor e aña’ki ainda,” Minister Croes a bisa.

Tur e intencionnan ariba menciona, e mandatario a bisa, ta bay compaña tambe pa aumento di e presupuesto di Asuntonan Social pa yuda combati e crisis social cu e actual Gobierno a keda confronta cune na momento cu nan a asumi poder na november, 2017.

E anuncio aki a wordo ricibi cu alegria pa un grupo y cu preocupacion pa otro-nan. E aumento di salario aki ta cu algo cu e Gobierno anterior ya caba a papia di dje y cu no a cay den mucho bon tera.

Pero e actual Minister di Labor kier un aumento cu ta riba 100 florin. Esaki, segun expertonan a bisa, lo tin su implicacionnan. E ex ehecutivo di Departamento di Labor Carl Giel, a reacciona riba Facebook, bisando lo siguiente: “Subi salario minimo - cost of doing business ta subi - comerciante ta verhaal e subida riba e consumidor - kico nos a logra? Inflation!! Costo di bida ta bira mas caro!! As easy as that! Dus, djis subi salario minimo no ta e solucion. Tin otro manera pa stimula economia.” AWEMainta mester remarca cu di tur manera e aumento aki mester pasa cerca SER prome cu e por drenta na vigor.

Ex Prome Minister y Lider di AVP Minister Mike Eman:

Convivencia cu famia Lubbers, CDA y Hulanda



NOS famia Cristian Democrata a perde den Ruud Lubbers un homber di gran taya, un persona energetico y inspirativo kende a duna guia na gobierno Hulandes pa tres gobernacion sigui y tabata tin hopi atencion pa Aruba, ex Promer Minister y Lider di AVP, mr. Mike Eman a expresa den pa-

labranan di condolencia y convivencia na famia Lubbers, partido CDA y Hulanda.

“Como lider Ruud Lubbers a haci uzo di su talentonan manera tarea Evangelico ta dicta. El a cumpli cu e tarea aki cabalmente. Como lider di CDA y Hulanda, Ruud Lubbers a duna semper muestra di su interes caluroso pa Aruba. Ta durante su periodo di gobernacion cu Aruba a logra su Status Aparte. Tambe el a hunga un papel importante pa consolida e Status Aparte aki. Lubbers tabata tambe un gran amigo di Henny Eman, ex Prome Minister di Aruba”.



Ex Prome Minister Mike Eman ta dirigi su mes tambe na su casa Ria: ‘Cu masha dolor den mi curason y den mi mente mi kier a extende palabranan di forza cu fayecimento di ‘bo Ruud’. Mescos cu e tabata bo Ruud, e tabata nos Ruud tambe. Aki na Aruba nos ta record’e pa su interes humano pa henter Reino. Ta p’esey cu su partida ta un perdida grandi pa nos tur cu a conoce y a traha di cerca cun’e. Ria, su trabou tabata un sacrificio grandi di bo banda loke ta di respeta. Lo bo sinti consuelo den e orguyo di por a comparti bo bida cu un persona cu a haci uzo optimal di su talentonan y cu ta regresa cerca su Creador cu mas di loke su tarea aki na mundo tabata encera.

“Partido AVP ta desea Ria, yiunnan, nietonan, partido CDA y Hulanda henter hopi forza. Ruud lo keda bibo den nos memoria”, ex Promer Minister Mike Eman ta expresa den palabranan di convivencia na e famia.

Invitacion pa Conferencia di Hende Muhe

MUNDIALMENTE ta celebra Dia Internacional di Hende Muhe riba 8 di maart. Esaki ta un dia cu tur hende ta para keto y evalua e rol di hende muhe den comunidad. Esaki tambe ta un dia unda ta reconoce e hende muhenan pa e lucha pa progreso. Gobierno di Aruba ta kere den stimula e hende muhe pa mas y mas asumi e rol cu nos ta desea e hende muhe asumi.

Prome Minister Evelyn Wever-Croes a haci un invitacion na tur hende muhe y hende homber pa un conferencia di Hende Muhe cu lo tuma luga diahuebs 8 di maart na Renaissance Conference Center y ta cuminsa pa 8or di mainta y ta termina 1or di merdia.

Oradornan invita lo inspira tur ser femenino cu nan mensahe pa especialmente pone rol di hende muhe central. Nombornan di oradoranan lo wordo anuncia den e siguiente dianan nos dilanti.

E tema cu a wordo scohi e aña aki ta “Briya den bo sapato, y cana pa Progreso”. Muhenan mester briya den e rol cu nan ta asumi den bida y tambe trece briyo pa ilumina e caminda di otro. Tur hende muhe mester cana pa progreso pasobra ta hunto mester sigui bay dilanti pa sigui progresa. Tanto mundial como na Aruba hende muhenan a logra hopi, pero ainda tin caminda pa cana. Pa participa por registra via un evento cu a wordo crea riba facebook di Gabinete Wever-Croes of por yama na 738-0101 of 564-2822. Entrada ta completamente gratis.

20 mil dollar intercepta na aeropuerto den maleta di homber di 25 aña

RIBA 17 di februari ultimo Aduana na aeropuerto internacional Reino Beatrix a controla un pasahero Arubiano di 25 aña di edad, kende tabata regresando di Merca.

E pasahero a keda sin meld na Aduana cu e tabatin casi 20.000 dollar cun'e. El a bin cu un declaracion increibel di unda e placa a bin y e no por a comproba su storia tampoco. E sospechoso a wordo pasa pa Cuerpo Policial y a entrega e placa despues di a wordo interrogado.

Tur e beslag ta cay na favor di Criminaliteitsbestrijdingsfonds. Placa di den e Fondo di Criminalidad ta wordo uza pa promove combatimento di criminalidad.

Di e manera aki, e placa cu a haya cu e accion, ta cay stret na beneficio di Aruba. E Afpakteam kier aporta na un manera visibel na esaki.

Segun e portal di noticia 24ora.com e Arubiano a yega for di Merca y tabata tin e placa escondi den su maleta. E no a declara e placa. Si bo tin mas cu 10 Mil Dollar, mester declara esaki y hustifica di unda e suma ta bin. E homber Arubiano tabata compaña pa un dama.

Afpakteam a cuminza traha riba prome di maart 2017 y ta un colaboracion di Ministerio Publico, Cuerpo Policial di Aruba, Fiot (Fiscale inlichtingen- en opsporingsteam) di Departamento di Impuesto (DIMP), FIOD (Fiscale Inlichtingen- en Opsporingsdienst), Marechaussee (KMar), Kustwacht Steunpunt Aruba, Meldpunt (Meldpunt Ongebruikelijke Transacties), y RST (Recherche Samenwerkingsteam).

Afpakteam ta traha riba bringa criminalidad financiero economico. Si bo persona sa di señalnan di labamento di placa, acerca Afpakteam na mail (afpakteam@kparuba.com) of tiplijn (telefon 11141).



Alhambra CASINO AND SHOPS

Serving our guests for over 30 years, Alhambra Casino is the leader in providing excellent customer service and invites qualified applicants to join our team. Alhambra Casino crewmembers enjoy competitive pay and a fun work environment.

We are accepting applications for the following positions:

- **Dealers (All Games)**
- **Cashiers**
- **Marketing Hostess**
- **Vault Supervisor**
- **Slot Attendant**
- **Maintenance**
- **Slot Supervisor**
- **Cleaners**
- **Assistant Slot Manager**

Job Requirements:

- Fluent in English, Spanish, Dutch and Papiamentu both oral and written.
- Previous experience in the position required.
- Willing to work all shifts, holidays and Sundays.
- Flexible and responsible personality.
- Team Player
- Great Customer Service skills.

We Offer:

- Pleasant work atmosphere
- On the job training
- Attractive benefits
- Opportunity to grow in the company

Apply in person from Monday through Friday at the Human Resources Office, from 9:00 a.m. - 1:00 p.m.

Valid Government ID required.

* You will be required to take a drug test, before being hired*

Only Arubans should apply.

Fraccion AVP

Menasa di Minister pa 'ontruim' kiosconan na waf ta acto criminal

E sed pa poder, e sed di vengansa y e dominio di su odio grandi contra di partido AVP, ta pone cu Minister di Infraestructura, Otmar Oduber, ta hibando un maneho cu ta similar na loke ta pasando den pais bisiña Venezuela, segun fraccion di AVP ta muestra.

Esaki a bolbe sali na cla cu ainda tin mas persecucion di parti Gabinete Wever Croes, ora cu 15 mama y tata di famia,

kendenan ta huur un kiosco, a haya carta di menasa di Minister Otmar Oduber cu nan mester entrega e kiosconan cu nan ta huur na Welcome Plaza na waf di Oranjestad.

Pa pone forza tras di su menasa por escrito, e Minister a dicidi di manda su team na DIP pa sigui intimidar e huurdonan di e kiosconan den un forma ainda mas serio caminda e baha aki, nan a bin cu



otro carta di menasa, den cual nan ta ser informa cu Minister Otmar Oduber, ta laga 'ontruim' e kiosconan pa dia 2 di februari cu man bruto.

Un intimidacion nunca bisto dor di un Minister kende a menasa di uza forza bruto contra di e huurdonan di e luganan aki, cual ta un proyecto di ex Minister di Infraestructura Benny Sevinger, pero cu Minister Oduber semper a pronkia cu esaki.

Sinembargo Aruba ta parti di Reino Hulandes, ta un pais cu tin democracia y ley nan existente pa frena e tipo di abuso di poder aki di e Minister y e huurdonan a acerca dos abogado pa defende nan derechonan legal.

Den un carta dirigi na e mandatario, e abogado nan a informa Minister Otmar Oduber cu su persona no por dicidi pa 'ontruim' ningun kiosco, si e no tin un

veredicto di hues.

Den e carta e abogado nan a muestra e Minister bon cla, cu nan clientenan a haya un contract di huur, a base di un procedura normal cu a cana hopi aña prome cu eleccion di aña pasa y cu e pasonan di Minister Otmar Oduber pa laga 'ontruim' esakinan sin intervencion di Hues hasta ta penalmente castigabel.

Abogado Kock kende ta representa algun di e ciudadanonan intimidar aki, a muestra den su carta cu "e forma di procede aki, ta un acto castigabel pa ley sin duda y cu su cliente lo entrega un keho criminal contra di e Minister y su gobierno na Ministerio Publico."

Ta parce cu e sed di vengansa di e Minister di Infraestructura no tin fin y ta sigui cu su campaña di persigui tur hende cu no a sostene su persona y su partido den ultimo eleccion, tra-

pando asina derecho di un ciudadano di su derecho sagrado pa vota pa e partido y politico cu e ta kere aden.

Un campaña di persecucion politico pio cu esun cu a tuma luga na aña 2001 ora cu partido MEP a haya mandato di pueblo pa goberna y a manda cerca di 400 persona cas y den e persecucion geel aki, e actual Minister Otmar Oduber tambe tabata victima di e persecucion aki.

Sostene pa partido AVP a hiba un lucha tenaz contra di e persecucion aki contra gobierno di MEP y el a biba esaki den carni propio pero awe ta mesun victima di persecucion di MEP, a uni su mes na e grupo di MEPista pa persigui ciudadanonan cu tin tur derecho di haya oportunidad pa huur un di e kiosconan aki cu gabinete di Mike Eman a laga ehecuta como su plan di desaroyo economico pa e pais.

BO MESTER DI WASTE BUCKET RESIDENCIAL OF COMERCIAL?

ecotech aruba

YAMA

Mr. Bucket

594-3757
mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

HERMUS RIJSCHOOL NV

5943263 / 5826732

Hermusrijschoolnv.com

Sivdivi 1-C

Afl. 191

Evelyn Wever Croes a reconoce cu Gabinete Mike Eman a traha!

Gabinete Mike Eman ta pagando proyectonan PPP for di 2015



NA momento cu e prome Minister di pais Aruba, bin dilanti y cataloga proyectonan cu ta na bienestar di pueblo y desaroyo general di e pais, como “proyectonan corrupto y escandaloso,” e ta bisa hopi di e gobierno cu e persona aki ta dirigi y cu su gobierno no ta mira desaroyo di e pais y di su hendenan den e miho forma.

Lider di fraccion di AVP, sr Marlon Sneek ta muestra c’un biaha mas Prome Minister Wever Croes, na luga di cuminsa traha pa su pais, ta sigui hunga weganan di politica partidista, trata di bruha tera, purbando na pone den luz negativo, tur loke a ser logra den ocho aña di gabinetenan Mike Eman I y II.

“Pa algun dia caba por a tuma nota di declaracionnan di Prome Minis-

ter Wever Croes, kende ta sigui insisti pa trata di convence pueblo, cu proyectonan logra pa Gabinete Mike Eman I y II, no a ser bon atendi y ta motibo cu su gobierno aworaki no por caba di traha un presupuesto segun normanan stipula y acorda.

Na momento cu Prome Minister bin dilanti y trece un comparacion entre gobierno di MEP y Gobierno di AVP pa loke ta proyectonan di PPP, ta cu gran placer partido AVP ta tuma nota cu Premier Wever Croes ta admiti cu gobierno berde, a traha pa desaroyo general di nos pais.

Na momento cu su persona trata pa pueblo mal interpreta su ponencia cu 89% di proyectonan di PPP, ta cay pa cuenta di AVP, esaki ta confirmacion di tur loke Gabinete Mike Eman I y

II a haci pa e pais, pa eleva nivel di bida di tur hende den tur barrio rond Aruba.

Hasta e barrio di Santa Cruz cu ta e cuna di partido MEP, a conoce desaroyonan cu nunca antes e barrio aki a conoce bou gobernacion di MEP pero caminda hasta awor e proyecto di MFA ta kedando cla y cu ta duna posibilidad na Prome Minister Wever Croes, pa aki algun luna corta sinta pa su inauguracion.

Pa un gobierno sirbi e hende central manera Prome Minister ta pretende di haci, e mester ta mas sincero cu pueblo y no trata di bruha tera durando informacionnan cu no ta correcto, sigur pa loke ta pago cu gobierno mester haci pa proyectonan di PPP.

Si Premier Wever Croes tabata serio den su trabou como miembro di Parlamento den su periodo den oposicion, e lo por a ripara cu den presupuesto di 2015 ya caba Gobierno a cuminsa paga sumanan stipula pa proyectonan di PPP pero dor cu nunca el a asumi responsabilidad como miembro di Parlamento, awor como Prome Minister e no ta na altura di loke ta pasando den gobernacion di e pais.

Na mes momento ta bon pa menciona cu ora Prome Minister kier papia di proyectonan corrupto y escandaloso, ta bon su persona splica pueblo kico e pais a haya bek for di ‘friends & family’ cu cobra mas cu 20 miyon di florin for di caha di gobierno pa sea huurmento di edificio of trabou di un oficina di abogado,” Parlamentario Marlon Sneek ta muestra.

Hospital a ricibi bishita importante di Secretario di Estado di Hulanda

Drs. Paul Blokhuis a keda impresiona cu Hospital nobo

Ya desde algun aña ta manda varios pashent di Boneiro pa ricibi tratamento specialisa na Aruba



HOSPITAL a ricibi bishita di Secretario di Estado di Hulanda, encarga cu maneho di “Volksgezondheid, Welzijn & Sport”, esta Drs. Paul Blokhuis.

Durante e recorrido aki a suministra hopi informacion riba e

trabounan cu Hospital ta haciendo. Drs. Blokhuis ta na Aruba den cuadro di un bishita di trabou, el a pasa bishita otro islanan den Caribe Hulandes tambe. E ta desea di haya sa mas over con ta bayendo cu e calidad di cuido cu e pashent-

nan ta ricibi y alabes e cooperacion entre e diferente islanan.

Director Financiero di Hospital, Drs. Theo de Kool a duna di conoce cu e Secretario di Estado tabata interesa di haya sa con hospital ta maneha procesonan di calidad.

A duna un splicacion amplio riba e reto- nan cu tin pa por tin suficiente empleado cualifica, pa haya e empleadonan correcto pa por brinda

miho cuido.

Un di e puntonan importante tabata e “New Bed Tower”, unda tabatin un recorrido den e parti nobo pa asina Drs. Blokhuis por a mira e diferencia entre e edificio bieu y nobo. Sr. de Kool a duna di conoce cu nan a ricibi hopi pregunta riba e diferencia entre e situacion di Hulanda ciompara cu Aruba.

Un bishita cortico di e Secretario di Estado

compaña pa un delegacion amplio pero sigur sumamente interesante y na unda hopi informacion a ser duna pa Hunta di Directiva di Hospital di Aruba. Sr. de Kool ta convenci cu a suministra suficiente informacion pa e Secretario di Estado di Hulanda ta bon informa kico tur ta haci den nos hospital nobo y moderno y alabes a pidie ayudo riba algun tereno cu e por tin influencia riba dje.



SERVICIO SEPTICO

- Residencial & Comercial
- Servicio Rapido
- Servicio Profesional, Confiabel y Garantisa

* Prijs di Awg. 65,- te max. di 7 m³
* Prices based on 3.5% BBO BAZV.

YAMA NOS NA:
582-4684

info@ecotech.aw
www.ecotecharuba.com

Like Us On Facebook

Nos ta Acepta ATM ora di duna septic service



Experto di Hulanda yudando Astec investiga accidente cu Sling di grua cu a kibra

“**DANKI** Dios e daño ta material y no tabatin herido. Esey ta nos prioridad”, asina Ir. Ernand “Mike” De L’Isle, Gerente General di Aruba Stevedoring Company N.V. (ASTEC Aruba) a reacciona, relaciona cu un accidente diabierna ultimo prome cu merdia durante cu tabata descarga un barco. Ey un “sling” a kibra, cu consecuencia cu e carga, cu net tabata tin’e lanta na apenas 2 meter, a bay cay bek den bodega di e barco.

“E proceso a wordo prepara di acuerdo cu nos standardnan/proceduranan y manera cu nos a haci varios biha caba cu tipo di carga similar. E empleadonan na warda, tur cualifica pa e tipo di trabounan aki, contando cu supervisornan cu experiencia y conocimiento di maneha carga pisa hunto cu un di nos safety inspec-

tors presente”, asina Mike de L’Isle a splica. Es mas, den pasado a realisa e mesun tipo di trabou specialisa asina cu exito caba.

E trabou tabata pa descarga un grua cu ta pisa 60 ton, cu tabata den bodega di e barco di carga. A uza e “Mobile Crane” di ASTEC, cu ta capas di carga un peso di 104 ton. A uza 4 “sling” pa lanta e carga, di cual cada un “sling” ta capas di carga 30 ton. “Pues nos a uza suficiente capacidad pa por realisa e trabou aki. Pero asina mes, un di e slingnan a kibra, e carga a cay bek y a haci daño na e barco”.

E compania a manda busca un experto urgente di Hulanda cu a yega Aruba diasabra caba y mesun anochi a reuni cu ASTEC pa mira con ta atende e daño, dreche, pa asina e barco por continua su ruta y riba locual ASTEC a sigui traha diadomingo. E companianan di seguro di ambos

partido tambe ta envolvi.

Den tipo di industrianan asina ta haci lo maximo, uzando ekiponan cualifica y cu trahadonan certifica/cualifica pa por haci trabou di stiwa carga. Asina mes, pa diferente factor, e tipo di accidentenan asina por sosode, pa cual ta investigando awor unda algo a bay robes den e proceso y siña di dje pa evita cu algo similar sosode atrobe.

ASTEC N.V. ta existi desde September 1983 y ta conta cu no menos di 80 empleado bon entrena pa ofrece e miho servicio posibel na tur barco di carga cu mara na nos waf. Anualmente ta descarga entre 300 pa 400 barco di carga. ASTEC N.V. ta partner cu Aruba Ports Authority (APA NV) den construccion, financiamiento, operacion y mantencion di e terminal nobo di waf di carga situa na Barcadera.

Prome Minister Weve Croes:

Ta gradici Hulanda cu a duna Gobierno espacio pa bin cu plan financiero



“E tema financiero ta un reto di cada dia den e gobernacion nobo aki. Esaki ya no ta un secreto pa pueblo y ta un tema cu tin gobierno hopi preocupa desde e prome dia di gobernacion,” esaki ta loke Prome Minister Evelyn Wever Croes a bisa den un declaracion.

E mandatario a sigura cu e tema di problema financiero ta algo cu “nos no ta bay atende cun’e pa complace cu Hulanda of pa resolve e desaster di AVP. Nos ta atende cu e problema aki pa Aruba, pasobra e pueblo di Aruba mester di dje. Tanten cu nos no tin nos finanza publico na ordo, nos no por sirbi e ciudadano di nos pais manera cu nos ta desea. Pasobra constantemente Aruba ta bay keda cu e menasa si ta bin un KB como tambe si nan ta bay manda mas instruccion y medida riba nos cabe. Di e manera aki ta imposibel cumpli cu e necesidadnan di pueblo. P’esey nos compromiso ta cu nos ta bay atende cu esaki trahando nos plan financiero cu pronto nos lo anuncia’.

Prome Minister a termina bisando cu Gobierno ta den deliberacion cu CAFT. Gobierno ta aprecia e espacio cu Hulanda a duna pa atende cu e tema aki despues cu nan mes a para un banda pa hopi aña y mira con e situacion financiero a deteriora. Awo Hulanda ta duna Gobierno di Aruba espacio pa bin cu un plan realistico, structural y cu realmente ta soluciona e problema.

Anochi di informacion pa mayornan di studiantenan EPI

MANAGEMENT team di Unidad Ciencia y Tecnologia di Colegio EPI ta invita mayornan di nan studiantenan den semester 1 y semester 3 pa un anochi di informacion unda lo entrega rapportnan di e studiantenan y lo tin e oportunidad pa papia cu e mentor di nan yiu tocante su resultadonan.

Esaki lo tuma lugar diahuebs 22 di februari 2018 di 6:30’or p.m. pa 8:30’or p.m. na Unidad Ciencia y Tecnologia.

Managementteam di Unidad Ciencia y Tecnologia ta spera cu mayornan lo haci uzo di e oportunidad aki pa asina pone nan mes na altura di e progreso di nan yiu.

Homber a cuminsa scuma despues di come den restaurant



DIADOMINGO, pa mas of menos 4'or y 11 di marduga, Central ta manda patruya den Tangerinestraat pa un persona kende posiblemente lo a overdose di un ke otro substancia.

Na e sitio ambulance tabata bezig ta tratando e cabayero. E homber tabata comporta agresivo, pero tabata bao di control.

A papia cu e amigonan di e homber, kende ta M., y a declara cu nan tabata na e club nocturno Cangrejo. Akinan ta caminda cu M. a cuminsa comporta su mes straño. E amigonan no sa precisamente ki bebidanan alcoholico M. a bebe.

Segun ruman di M. nan tabata na e adres den Tangerinastraat ora cu M. a cay den otro y a cuminsa bisa cu e tin hopi dolor. Despues scuma a cuminsa sali for di boca di M. Ambulance a administra M. un calmante, pa asina nan por a transport'e pa hospital. Un agente policial a bay den e ambulance pa prevencion. Central a wordo poni na altura.

Adictonan causando problema

DIADOMINGO, pa mas of menos 9'or y 10 di mainta, Central ta manda patruya cu urgencia den Eckmeyerstraat pa un pelea. Eynan parce cu dos ruman a bringa cu otro.

Ta trata aki di e rumannan ARD y FAD. Parce cu e problema a surgi riba cuminda y trahamento di thee. E dosnan aki a kibra algun articulo den cas door di a bringa cu otro. Segun e mama di e dos hombernan aki, ambos ta uzadonan di droga y ambos a wordo deteni pa polis. Polis por a mira cu ambos tabata tin rasca a causa di e pelea. A intermedia entre e dos rumannan y paz a wordo restaura.

Mirando cu ARD a cuminsa cu e problema, el a wordo desaloha. FAD a subi su bicicleta y a core bay. Central a wordo poni na al-

tura.

Diadomingo pa mas of menos 9'or y 53 di mainta, Central ta manda patruya na altura di Tio Pepe pa un conocido adicto ambulante fastioso yama Djodjo. Patruya di Playa a bay hiba un sospechoso pa warda di San Nicolas. Despues di esaki, e melding di e sospechoso a dreña. Patruya di San Nicolas a dicidi pa tuma e asistencia over mirando cu nan tabata cerca. A papia cu personal di Tio Pepe, kendenan a declara cu Djodjo a dreña paden y haci fastioso. Alabes a conta cu Djodjo a core bay direccion pabao na pia. Polis a topa cu dicho adicto ambulante pabao di Tio Pepe. Djodjo a ricibi un bon scual di polis y a wordo cori di e sitio. Central a wordo poni na altura.


Plantacion di marihuana na Cashero

DIADOMINGO, pa mas of menos 10'or y 40 di mainta, durante patruya na altura di Cashero, polis ta haya un holo parecido di marihuana. A base di esaki, a bay direccion di un cas unda cu polis a mira un mata di marihuana den e cura. E habitante di e cas a sali bin pafo y a declara cu e ta uza marihuana pa su dolor di

lomba. Polis a bay cana rond di e cas y a bin topa cu 24 mata di marihuana. E homber F. a wordo deteni y hiba na warda di Santa Cruz, unda el a keda presenta dilanti di fiscal auxiliar. E matanan di marihuana a wordo confisca y pasa pa departamento di narcotica. Central a wordo poni na altura.

Cliente a wordo horta door trahado

DIADOMINGO, pa mas of menos 3'or y 39 di atardi, personal di seguridad di un high rise hotel a yama warda di polis y a meld cu mey ora prome, un dama a bin cerca dje y a declara cu el a wordo atraca pa un hoben di mas of menos 16 aña. Segun e dama, e hoben a ranca su tas for di bao di su brasa. Security A a bisa cu e muhe no kier papia cu polis. A. tabata kier pa informa polis di esaki. Segun e dama e hoben tabata tin un tshirt preto y carson cortico blanco bisti y ta di habla Hispana. Comandante na warda a wordo poni na altura y tin atencion di polis.



Prome Minister Weve Croes:

E retonan financiero cu gobierno aki a encontra ta causa sintimento di frustracion

“E tema financiero ta un reto di cada dia den e gobernacion nobo aki. Esaki ya no ta un secreto pa pueblo y ta un tema cu tin gobierno hopi preocupa desde e prome dia di gobernacion. Y desde e comienso di Gabinete Wever-Croes, a hiba varios deliberacion entre otro cu Hulanda y a pidi Hulanda pa otorga Gobierno espacio pasobra e desaster cu a wordo crea, specialmente despues cu e cifranan real a bira conoci, no ta un desaster cu por wordo soluciona den un dia.

Mas ainda, esaki no ta un problema cu por wordo soluciona den un año of den dos of tres año. E problema financiero lo bay tuma su tempo pa wordo soluciona,” asina e Prome Mandatario ta bisa den un declaracion manda pa prensa.

Prome Minister Evelyn Wever-Croes ta bisa cu ainda ta fresco den su memoria e prome rapport di CAFT na año 2015/2016 na unda a bisa cu pa Aruba lanta cabes di e desaster cu e gobierno anterior a traha ta bay dura te despues 2020 pa nos lanta cabes.

Awo e realidad a cuminsa mira luz di dia, y e palabranan aki ta birando berdad.

Den e cuadro aki, Prome Minister a enfoca riba e proyectonan di PPP, entre otro Green Corridor, Watty Vos Boulevard, Proyectonan di MFA y construccion di e partinan nobo di Hospital. E instituto di PPP a bin den e tempo ey caminda no mester a tene cuenta cu e gastonan mesora, contrario na DOW cu na momento cu traha careteranan, e gasto ta bin mesora den presupuesto. PPP no ta cay den e presupuesto mesora pero lo bay paga despues.

E prome mandatario ta compara esaki cu ora ta bay compra muebles na credit, no ta paga e prome luna sino ta cuminsa paga e di dos luna. Pero mester paga. Y awo a yega e momento cu Aruba mester cuminsa paga tur e proyectonan di PPP di e gobierno di Mike Eman.

Prome Minister ta indica cu desde 2017 a cuminsa paga 40.7 miyon florin extra debi na proyectonan di PPP. Año 2018 mester paga 65.6 miyon. Na 2019 e ta bira 80.5 miyon.

Kiermen e suma ta subi haciendo cu Aruba ta bay paga basta placa na e proyectonan aki. Prome Minister a referi na e rapport di Algemene Rekenkamer na unda a indica cu tur loke cu a wordo traha cu PPP, lo termina ta paga 2.5 biaha mas hopi.

E mandatario ta splica esaki haciendo referencia cu un porciento di BBO ta trece aden 60 miyon. Y djis pa paga pa tres proyecto, gobierno mester bay percura pa tin mas placa riba mesa cu un porciento ey di BBO.

Prome Minister Evelyn Wever-Croes ta expresa cu e retonan financiero cu gobierno aki a encontra ta causa sintimento di frustracion y rabia pasobra mester bin drecha algo cu e gobierno anterior a dañá enormemente sin tene cuenta cu bienestar di Aruba.

“Sinembargo ta un reto y un desafio cu nos a tuma y como un gobierno responsabel y para den nos sapato, nos lo no core p’e. Nos a bisa cu nos ta bay atende cu e problema aki, y esaki ta locual nos ta haciendo tambe.

IPA ta tene un anochi di informacion di e estudio Movecion y Salud

DURANTE aña academico 2018-2019 Instituto Pedagogico Arubano (IPA) ta ofrece e estudio di Movecion y Salud. E estudio aki ta forma maestro cu ta cualifica pa duna les riba tereno di movecion y salud na scol primario. Alabes e estudio ta prepara maestro pa promove movecion y salud den nos comunidad. E estudio lo cuminsa na augustus 2018 y tin un duracion di 4 aña. Diamars dia 20 di februari 2018, IPA ta tene un anochi di informacion na unda lo splica kico e estudio ta encera y kico ta e rekisitonan di admision pa por aplica. Alabes lo elabora riba contenido y sequencia di e testnan di admision y preparacion necesario pa por studia na IPA. Tur persona cu ta interesa ta bonbini na e anochi di informacion



cu lo cuminsa pa 7or di anochi den Café Nita (Isaac Wagemakerstraat 11, San Nicolas).

Durante e anochi aki lo tin oportunidad pa inscribi. Pa por haci esaki mester trece e papel di registro civil (papel di AWG 5,-), si a gradua caba copia di diploma di sea HAVO, VWO of MBO nivel 4. E gastonan di inscripcion ta AWG 75,-. E ultimo

fecha pa inscribi ta dia 6 di maart pa motibo di varios test di admision cu e interesado mester cumpli cu ne. Despues di e fecha aki no por inscribi mas pa aña academico 2018-2019. Pa mas informacion por tuma contacto cu Studenten Services na 5243100 of por bishita nos pagina di facebook “Instituto Pedagogico Arubano” of nos website www.ipaaruba.com

Chauffeur bon samaritano ataca

DIADOMINGO anochi algo prome cu 10’or polis a wordo pidi cu urgencia altura di Centro di Playa Pabou, caminda un cabayero di edad lo ta herida. Patruya cu tawata cerca mes ora a bay e sitio indica.

Na nan yegada nan ta topa cu un pickup, para pabou di caminda y e doño. Segun e cabayero Bon Samaritano aki a splica e agentenan, el a duna dos homber color scur lift y unabes cu nan tawata den e auto nan a cuminsa bringa cun’e y atrak’e. No ta conoci si tawata tin arma envolvi.

E cabayero den e agresion lo a wordo herida seriamente na brasa, cu tawata sangra debi na e cortanan. Ambulance a wordo pidi y na nan yegada ela subi ambulance pa asina trate.



Concierto Dominical Donny Laclé, cu variacion unico di musica latino, folclorico y local

DIADOMINGO awor, dia 25 di februari 2018, Fundacion pa Talento Musical Donny Laclé ta sigui cu su Concierto Dominical cu lo tuma lugar den sala di Biblioteca Nacional na George Madurostraat na playa. Pa diadomingo awo, manera costumbr ta presenta 3 grupo.

E prome presentacion ta na encargo di Tomás González. Tomás ta un cantante cu ta compaña su mes riba guitarra y pista. E lo canta un variacion di musica latinoamericano, folclorico, portugues y hasta local.

Durante un pausa cortico ta pas rond cu e “caha di glas” pa haci un donacion boluntario pa e fundacion por sigui yuda nos hobennan talentoso riba tereno di musica.

Ta sigui cu Carlos Bislip Quartet cu



ta consisti di 4 musico cu lo brinda nos musica tropical y tipico di Aruba y kisas tambe algo original.

Nos ta termina e concierto cu Erick Uchtmann y Wilberth Bejarano y nan grupo cu a uni e diadomingo aki pa ofrece nos un presentacion dife-

rente di diferente tipo di musica y tipo di instrumento musical.

Ta invita tur e bishitantenan fiel di Concierto Dominical y henter pueblo di Aruba pa ta presente dia 25 di februari. E concierto ta cuminsa exactamente 11.00 or di mainta y ta dura te mas o menos 13.00 or.

IPA ta tene anochi di informacion di estudio pa maestro di Enseñansa Primario

DIAMARS dia 20 di februari 2018 Instituto Pedagógico Arubano (IPA) ta tene un anochi di informacion pa tur estudiante di HAVO, VWO, EPI y tur otro persona interesa pa haci e estudio pa maestro di enseñansa primario na IPA. E estudio aki ta forma maestro cu ta cualifica pa duna les na mucha di kleuter y of scol basico. Tur persona cu ta interesa ta bonbini na e anochi di informacion cu lo cuminsa

pa 7or di anochi den Sala Madonna di IPA (Isaac Wagemakerstraat 11, San Nicolas).

Durante e anochi di informacion lo duna informacion general di e estudio pa maestro pa enseñansa primario. Ademas di esaki lo elabora riba e procedura y prueba di admision cu mester cumpli cu ne.

Durante e anochi aki lo tin oportunidad pa inscribi. Pa por haci es-

aki mester trece e papel di registro civil (papel di AWG 5,-), si a gradua caba copia di diploma di sea HAVO, VWO of MBO nivel 4. E gastonan di inscripcion ta AWG 75,-.

E ultimo fecha pa inscribi ta dia 6 di maart pa motibo di varios test di admision cu e interesado mester cumpli cu ne. Despues di e fecha aki no por inscribi mas pa aña academico 2018-2019. Pa mas informacion por tuma contacto cu Studenten Services na 5243100 of por bishita nos pagina di facebook ‘Instituto Pedagógico Arubano’ of nos website www.ipaaruba.com.

Minister President Evelyn Wever-Croes:

Gobierno trahando riba ley y departamentonan di integridad, Bon Gobernacion y transparencia

DIALUNA mainta durante conferencia di prensa di Gobierno di Aruba, Prome Minister Evelyn Wever-Croes a anuncia cu Gobierno di Aruba ta trahando riba e tema di Integridad manera cu desde un principio a informa cu Integridad ta hopi importante pa Gabinete Wever-Croes. E mandatario a splica cu Gobierno ta trahando riba tres area pa cubri e vision di Integridad.

E prome area ta e leynan cu tin pendiente cu falta na Aruba pa sigura integridad den Gobernacion. Pa loke ta trata e leynan aki, Prome Minister ta bisa cu Parlamentari-onan mes a tuma e iniciativa riba e ley di screening.

Gobierno e ora a dicidi di wanta esaki un rato pa Parlamento sigui cu e proceso cual lo ta hopi miho teniendo cuenta cu e prome ley di screening tawata un iniciativa di Parlamento. Un aña pasa Marlon Sneek a bin cu e ley di screening den Parlamento sinembargo na caminda a “perde e djen-tenan”. Parlamento ta biniendo cu un otro concepto di ley cu pa Gobierno ta un bon noticia.

Otro leynan cu tin pendiente ta e Ley di Financiamiento di partidonan politico, Ley di Ombudsman y Klokkenluidersregeling. E di dos area ta e “integriteitskamer”. Esa-ki ta e camara cu ta bay controla pa sigura cu tur decision di Gobierno ta cuadra cu integridad, bon gobernacion y transparen-cia.

E di tres area ta e “Bureau Integriteit” cu ta e Departamento di Gobierno cu lo ta

encarga pa duna conscientisacion den tur area di Gobierno pa tur hende sa kico por y kico no por. Fabornan na famia y of ami-gonan no por pasa mas pasobra esakinan ta contra regla di integridad. Tin reglanan stipula cu ta prohibi tuma placa of fabor pa cumpli cu trabou. Esaki ta algo cu lo in-culca den tur aspecto di gobernacion bou di guia di Bureau Integriteit.

Prome Minister a anuncia cu esaki lo wordo haci conhuntamente cu Corsow y Boneiro. Den reunion hunto, a yega na e comprendemento cu Corsou ta hopi mas avansa riba e tereno aki y lo sirbi como ehempel.

Lo tuma e mesun strategia pa bin cu e Bu-reau Integriteit y lo yega na palabracionnan cu tur tres pais por haci investigacionnan riba tur tres pais.

Kiermen, Corsou por haci investigacion riba Aruba y Bonaire y Aruba y Bonaire tambe tin e mesun derecho pa haci esaki. Esaki ta importante pasobra nos ta comu-nidadnan chikito y esaki lo evita cu hen-den an cu ta traha na e bureau aki conduci investigacionnan na unda nan propio fami-anan of bisiña ta involucra. Door di traha hunto ta extende posibilidadnan.

Prome Minister ta bisa di ta satisfecho di e progreso cu tin riba e plannan pa concre-tisa tur tres area di integridad mustrand o tambe asina e seriedad di Gabinete Wever-Croes pa trece cambio pa sigura integri-dad, bon gobernacion y transparencia den tur gobernacion.

Servicio pa Comunidad

AWEMainta

Emergencia

Brandweer 911

Polis 100

Polis Oranjestad 102

Polis San Nicolas 104

Polis Santa Cruz 105

Polis Shaba 107

Polis Tipline 11141

Ambulance San Nicolas 584-5050

Ambulance Sasaki 582-5573

Ambulance Wayaca 582-1234

Hospital 527-4000

Centro Medico San Nicolas . 524-8833

SVB (AO-Ziekmelding) 527-2782

Botica na Warda

Pabou di Brug:

Trupiaal

Pariba di Brug:

4 Centro Medico

Dokter na Warda

Pabou di Brug:

-

Pariba di Brug:

-

Servicionan

ELMAR Storingdienst 523-7147

SETAR Storingdienst 117

Digicel 145

WEB Storingdienst 525-4600

Reina Beatrix Int'l Airport 524-2424

Serlimar 584-5080

Arugas 585-1198

Guarda Costa 913

Funeraria

AD Patres 584-2299

Aurora 588-6699

The Olive Tree 582-0000

Fundacion

Rode Kruis Aruba 582-2219

FADA 583-2999

Fundacion Respeta Mi 582-4433

Fundacion Guia Mi 587-1677

Muhe den Dificultad 583-5400

Telefon pa Hubentud 131

Centro Kibrahacha 588-3131

Stichting Bloedbank 587-0002

Mary Joan Foundation 588-9999

Konigin Wilhemina Fonds ... 582-0412

Fundacion Pa Nos Muchanan... 583-4247

Cas Editorial

The Media Group

The Media Group

Margrietstraat #3

Oranjestad, Aruba

Tel: 583-1400 Fax: 583-1444

Orario di Oficina

Dialuna - Diabierna

8am - 5pm

Cuenta di Banco

CMB #22982600

E-mail

Redaccion: noticia@awemainta.com

Aviso: aviso@awemainta.com

Subscribi na: notica@awemainta.com

Director

Victor “Toko” Winklaar

Victor R. Winklaar

Introduccion sumamente exitoso di Minister Plenipotenciario Guillfred Besaril

NA Sociëteit de Witte a tuma lugar un recepcion pa introduccion di Minister Plenipotenciario Guillfred Besaril y señora. Tambe tabata tin introduccion di director a.i. di Cas di Aruba mr. Glenn Ling y señora.

E recepcion a conta cu presencia di diferente personahe for di e mundo di politica, cuerpo diplomatico y di e sector comercial, entre nan Secretario di Estado pa Relacionnan den Reino Raymond Knops, miembro di Tweede Kamer Andre Bosman(VVD) y Jobi van den Berg (CDA).

Minister Plenipotenciario a tene un discurso unda a gradici tur esnan presente pa a reacciona positivo riba e invitacion. E mandatario a cuminsa bisa cu Aruba tin desde 17 di November un Gobierno y un Minister Plenipotenciario nobo. ‘Un funcion sumamente importante cu mi ta spera di desplega positivamente cu sosten di e personal di Cas di Aruba. Pa haci esaki bo mester tin un vision. Pesey mi tarea ta pa trece cambio den Cas di Aruba como organisacion. Un cambio cu ta brinda oportunidadnan. Un cu ta menos administrativo, pero ta para pa yuda nos Arubianonan aki na Hulanda. Sea nan ta akinan pa estudio, ta akinan pa motibonan medico of a scohe pa biba na Hulanda. Pa añanan Cas di Aruba a duna guia na studianten. Asina ta cu nos tin e experto den cas,’ asina e mandatario a bisa.

Banda di esey sr. Besaril a bisa cu Cas di Aruba ta bai hunga un rol importante den crea mas pilarnan economico pa Aruba, manera e asina yama “Blue Economy” cu ta concentra riba e lama rond di Aruba. ‘Nos mester pensa den duna servicio di reparacion, abastece y cambio di tripulacion na barconan chikito. Panama a bira grandi riba e tereno aki cu barconan grandi y cu Panama no tin espacio mas pa barconan chikito. Y

akinan ta unda Aruba por hunga un rol grandi. E lama rond di Aruba ta relativamente calmo pa por haci esaki. Tambe e diferencia den e temperatura di e awa por wordo usa pa energia alternativo.’

Den su discurso Minister Besaril a menciona como un sector cu e lo concentra riba dje ta e sector primario. Estimulacion di e sector aki por yega na baha importacion. “Mi ta bishitando institutonan pa mira unda nan por yuda Aruba riba e tereno aki. Recientemente mi a haci un bishita di trabao na Universidad di Wageningen y a mira y tende di e experticio cu tin eyan y e disposicion di nan pa brinda sosten na Aruba. Aunke cu Aruba ta chikito cu 120 mil habitante, nos tin mas cu 2 miyon turista cu ta bishita nos isla pa aña. Mi plan ta pa convenci inversionistanan riba e potencial aki di Aruba,’ segun Minister Besaril.

E mandatario a sigi den su discurso, unda ela menciona e aspecto di innovacion cu Gobierno kier stimula y cu esaki ta pas bon den e espacion limita di Aruba y cu e tin su influencia positivo riba e medio ambiente y naturalesa.

‘Nos Gobierno ta determina na traha na sana e finanzas publico. Nos mester yega na un “balanced budget”, sigi pa un surplus riba e presupuesto y cuminsa na baha e enorme debe nacional di Aruba. E lo no ta facil, pero tampoco e no ta imposibel. Nos afan ta pa logra esaki nos mes y unda Hulanda por yuda, nos lo pidi e sosten aki.’

Finalmente Minister Plenipotenciario Guillfred Besaril a resumi cu Cas di Aruba mester ta mas habri pa nos hendenan, fortifica y madura e relacion cu Hulanda y ta un guia pa inversionistanan pa reforsa e economia di Aruba.

Director a.i. di Cas di Aruba mr. Glenn Ling a tene un discurso unda ela cuminsa na introduci su mes na e invitadonan. Sr. Ling a bisa di ta honra pa e confiansa poni den su persona tanto door di Min-



ister Plenipotenciario Guillfred Besaril como Prome Minister mr. Evelyn Wever-Croes pa ocupa e funcion di director a.i. di Cas di Aruba. Ela bisa cu e ta mira e funcion aki como un reto grandi unda elo brinda sosten na Minister Plenipotenciario Guillfred Besaril pa realisa su plannan.

Foto: Nico van der Ven.

Parlamentario Endy Croes:

Team Aruba Drag Racing a strica 1.6 miyon for di ATA mientras Palo Marga ta den deterioro

PARLAMENTARIO Endy Croes a confirma den conferencia di pensa cu el a ricibi contestanan oficial relaciona cu preguntanan cu el a haci.

For di december 2017 haciendo uso di su derecho como parlamentario y esaki basa riba Staatsregeling III.17 y Reglement van Orde art # 59, Endy Croes a manda preguntanan por escrito na e Minister encarga pa asina por averigua tocante e rumornan cu ta core den pueblo cu gobierno mediante un of mas NV di gobierno ta sponsor un auto di careda, esta Team Aruba Drag Racing.

Finalmente e Parlamentario ta spli-ca cu e contestanan oficial a drenta Staten di Aruba, unda porfin por laga e rumornan un banda y awor papia cu prueba den man manera semper el a bin ta haci.

Logo miyonario

Hopi biaha prueba ta haci dolor. Kico ta e caso? Team Aruba Drag Racing ta di ruman homber di Mike Eman. Aki ta otro prueba con tanto Mike Eman a campaña criticando henter mundo cu friends & family, instiga pueblo contra tur hende pero pa su ruman si ta ok momento cu Mike ta regal'e 1.6 miyon di ATA pa por pone un logo di Aruba riba su auto di careda cual ta core na Merca.

Esaki ta solamente di ATA y nos ta en espera di contesta di AAA unda tambe e ta ricibi mas sponsor di acu-

erdo cu e contesta di ATA. ATA kier trata na defende nan mes cu e sponsor aki tin un balor di media di 1.5 miyon dollar como cu 14 mil persona cu tin salario di 60 mil dollar of mas pa aña ta atende eventonan di drag.

ATA por a splica parlamento cuanto turista di Drag Race a bishita Aruba relaciona cu e deal aki? Pues nos ta haya ATA hopi breve den su contesta y ta p'esey lo sali otro serie di pregunta pa nan, cumpliendo asina cu e trabao di un parlamentario.

Bende rifa den solo

Teamnan di diferente deporte ta lucha constantemente pa por saca un seleccion y saca cara di Aruba. Endy Croes ta sigui bisa cu na 2013 Softball femenino a participa na World Games na Cali Colombia unda 101 pais y 3000 atleta a participa.

Esaki a wordo transmiti pa henter mundo. Cu hopi dolor a ricibi un suma hopi chikito pa e team di softball di Aruba consistiendo di 20 atleta hoben cu a participa.

Pues ta dolor pa mira con

Mike Eman y AVP a privilegia su ruman mientras pueblo mester bende rifa den solo.

Parlamentario Endy Croes a manda un carta mesora pa minister Dangui Oduber pa para tur posibel sponsor y lo bay amplia cu un serie di pregunta mas pa ATA pa asina por tin control y compronde mihor kico y con e maneho di ATA ta hinca den otro.



Minister Besaril a cera conoci cu directiva di GNA



MINISTER Besaril a haci un impresion grandi riba e directiva di GNA, cu su vision y plannan como Minister Plenipotenciario di Aruba na Hulanda.

Principalmente riba e vision di Gobierno pa desaroya e asina yama “Blue Economy” cu ta concentra riba e lama rond di Aruba.

E mandatario a bisa cu un ehempel di

esaki ta duna servicio di reparacion, abastece y cambio di tripulacion na barconan chikito. Sr. Besaril a menciona cu Panama a bira grandi riba e tereno aki cu barconan grandi y cu Panama no tin espacio mas pa barconan chikito.

‘Y akinan ta unda Aruba por hunga un rol grandi. E lama rond di Aruba ta relativamente calmo pa por haci esaki. Tambe e diferencia den e tem-

peratura di e awa por wordo usa pa energia alternativo. Mi trabao ta pa busca akin a Hulanda companianan cu ta interesa den inverti den e sector aki,’ asina sr. Besaril a bisa.

E mandatario a bisa tambe cu Gobierno di Aruba ta enfoca riba innovacion. E bentaha grandi ta cu no mes-ter di hopi espacio, cu ta positivo pa Aruba miranda e grandura di e isla. Tambe esaki ta conserva e medio ambiente y naturalesa di e isla.

Den e encuentro a papia tambe di e situacion cu Venezuela y cu e mandatario no ta mira esaki como un problema, pero mas bien un situacion cu ta brinda oportunidad, manera expansion di e posibilidadnan di e sector primario na Aruba. ‘Asina por crea un pilar economico nobo y por yega na reduci importacion di fruta y berdura.

Minister Besaril a papia di su plan- nan pa cu Cas di Aruba, cu lo mes-ter brinda mas servicio ainda na nos hendenan aki na Hulanda, sea nan ta studia, ta akinan pa motibonan med- ico of a scohe pa biba na Hulanda. Pa loke ta estudiante sr. Besaril a bisa cu su meta ta pa hisa e porcentahe di studiantenan cu ta termina na studio cu exito.

Na final di e encuentro presidente di GNA Nico van Grieken a gradici Minister Besaril pa e oportunidad pa cera conoci cu e directive di GNA y a haci entrega di un ehemplar di e buki “Aruba, balans van 30 jaar status aparte”, cual buki GNA a publica na ocacion di nan 20 aña di existencia.

AWE NO, bo reto pa 40 dia

E aña aki Fundacion Anti Droga Aruba (F.A.D.A.) lo bay tin e campaña di 'Awe NO'.

Nos como Fundacion cu ta pone enfasis ariba e temanan di droga y alcohol y tambe ariba tuma decisionnan sano na bienestar di bo mesun salud y bienestar personal, kier challenge tur hende den comunidad pa participa na e reto di 'Awe NO' pa 40 dia cuminsando for di dia 14 di februari 2018.

Dicon participa? E meta di e campaña ta pa esun cu ta participa scoge un reto pa na mes. Nan por experiencia kico 40 dia sin e mal custumber ta haci cu un persona.

E participante lo ripara un cambio den manera di biba y un cambio positivo nan na curpa. Porta e por asta haci un diferencia den bo cartera cu lo keda mas yen.

E campaña lo bira un 'facebook event'. Tur hende cu kier participa por haci esaki ariba nan mes. Durante e 40 diano F.A.D.A. lo post ariba e facebookpage, snapchat y instagram diferente 'tips&tricks' pa asina motiva tur hende pa logra keda sin haci uzo di e mal custumber.

Tur hende por scoge pa nan mes di kico nan kier bay detox. Esaki por ta di humamento, fast food, bebe refresco, alcohol, cofi etc.

Si acaso un participante no logra mantene su mes na e diano, e por sigi e reto pero esey kieren e mester bay evalua pa su mes kico e por mehora pa asina toch logra te na final di e 40 diano.

E aña aki nos kier introduci e challenge na nos scolnan tambe. E challenge ta pa nos muchanan come mas saludabel cu ta posibel durante nan pause di scol. E meta ta pa stimula nos muchanan pa come y biba mas saludabel. E scol cu participa lo participa den un forma voluntario, cu e speranza cu e docentenan/ mayornan por wak un cambio positivo den e muchanan nan actitud pa nan salud durante y despues di e periodo di e challenge aki. 'Awe NO' lo ta un proyecto sostenibel, y lo tin un influencia positivo pa e bienestar di comunidad di Aruba.

E reto no ta pa hende cu tin un adiccion pisa. E ta pa hende cu ta tuma e challenge aki na serio y ta bisa di nan mes cu nan por cuminsa baha man



na e mal custumber. Despues di e 40 dia nos ta kere cu esun cu ta participa lo mira cambionan positivo dor di abstinencia. Y cu esaki nan lo dicidi pa baha man completo den futuro.

E 40 diano lo cuminsa di diaranson 14 di februari te cu diadomingo 25 di maart 2018.

Boso por share libremente cu nos con boso reto ta bayendo. Manda nos boso experiencia of potret kico abo ta haciendo pa logra e 40 diano uzando [#aweno](#).

F.A.D.A. kier desea tur e participantenan hopi exito y ban pe!



**Sintonisa tur merdia e duo di periodista
Alexa Werleman y Victor (Toko) Winklaar
Den Noticia na G-FM 99.9**

**Di dialuna pa diabierna
cu noticia sin miedo**



Continuacion analisis Gregorio Wolff

Kico nos por spera den 2018, despues di un gobernacion malo y cambio politico na fin di 2017



Falta di un Infra-Structura social

UN caso lamentabel cu fayecimento di 2 criatura a pone na bista e fayograndi cu nos **no** tin un infra-structura social cu por preveni sorto di eventonan tristo manera cu a pasa.

Aruba completo a keda conmovi. Hopi

profesionalnan a bini cu declaracionnan hopi bunita, di cual por bisa cu mayoria di nan ta cuadra cu e dicho na papiamento “ora baca hoga, ta dempel e pos”, Tin otro dicho pa muestra e realidad amargo cu ta bisa “baca no por bira bishe mas”.

Mundo politico a pone demasiado atencion ariba e parti economico, mas crecimiento, mas turismo mas infrastruc-

tura economico, mas actividadnan di fiesta, mas asuntonan no-social, basta nan ta pone nos economia crece mas y mas, hasta hopi biaha ta cera wowo pa e negoshi di adiccion, tur pa haci e turista sintie na cas.

Alubida cu pa Aruba sigui crece economicamente mester di hende y sigur hendenan cu ta bini di pafo di Aruba, sin tin e provisionnan necesario, Acerca e filosofia di “Happy Island” pa engrandece nos turismo ta trece masha cosnan negativo, di cual adiccion ta esun cu a crea situacionnan alarmante. E consecuencia di tur esakinan ta cu esnan mas debil manera muchanan sin defensa hopi biaha ta bira victima di e desaroyo negativo aki.


E ministro encarga cu e sector aki hunto cu su expertonan ta bisa awor cu nan tin plannan pa preveni loke cu a pasa. Laga nos spera cu e no ta solamente medidanan social poni ariba papel, lubidando e desaroyo economico cu den liñanan grandi ta co-responsabel.

E ta un mision posibel, pero cu un caminda largo y fastioso. E desaroyo actual pa satisface e turista ta sigui crea situacionnan no desea.

Un realidad amargo di nos desaroyo economico ta ora nos tira un bista ariba e salario minimo cual no ta yega 38% di e bestaansminimum.

Con, e tata of mama di famia cu salario minimo, esnan sin trabao fiho, e persona cu ta traha un dia si, un dia no, esnan cu onderstand, ta sigui existi, cu intencionan y hopi lucha pa bay dilanti. Tambe ta bon pa menciona esnan cu ta on-call, un condicion di trabao pa yuda e capitalista, pero cual ta existi na hopi empresa renombrada, manera na HOH, tambe ta pasando den duro. Laga nos spera cu e realidad amargo di e dos criaturanan a pone nos wowonan habri y trece e solucionnan duradero, manera mester ta.

[Continuacion na siguiente pagina]

<div><div></div><div>BANCO DI CARIBE</div></div> <div>OFFICIËLE KOERSEN TEN OPZICHTE VAN DE ARUBAANSE FLORIN</div> <div>GELDIG OP 19 Feb, 2018 EN TOT NADER ORDER</div>				
valuta		aankoop van publiek		verkoop aan
		bankpapier	wissels, CHQ's reischeques en overboekingen	publiek
Ned. Antil. Gulden	ANG	98.00	100.00	100.20
Per ANG 100				100.00
Amerikaanse dollar	USD	1.77	1.78	1.80
Canadese dollar	CAD	1.39	1.41	1.43
Zwitserse frank (per 100)	CHF	191.83	192.55	193.35
Pond sterling	GBP	2.43	2.48	2.54
Japanse yen (per 10.000)	JPY	165.63	167.14	168.82
EURO (per 100)	EUR	219.03	221.03	223.25
Deense kroon (per 100)	DKK	28.71	29.43	30.23
Noorse kroon (per 100)	NOK	21.88	22.60	23.40
Zweedse kroon (per 100)	SEK	21.28	22.00	22.80

[Continuacion di pagina anterior]

Situacion financiero di Aruba

Esaki ta otro realidad amargo cu nos tin di biba cune, despues cu e gobierno anterior parce a fiesta den gobernacion, yen di proyecto cu cada un cu varios actividadnan di fiesta, pero na final e proyectonan aki a Sali costoso pa nos pueblo.

Gobierno di Aruba 2010 -2017 cu su Cheerleadernan den parlamento, parce a hiba un maneho di locura, ora bo wak e cifranan.

Hasta den nan afan pa cumpli cu e normanan di CAFT, e entradanan incidental cu apoyo di esnan den CAFT a tapa hopi buraco. Pero bisto tabata cu no tin maneho planifica pa saca Aruba for di e situacion financiero malo. Sigur otro punto di maneho di e gobierno anterior ta pa manda gastonan y compromisonan di prome cu 2018 padilanti, p.e pa 2018 y 2019.

E mesun pensamiento cu tabata existi den e maneho pa manda e debenan di pais Aruba te na banda di 88% di nos GDP, sin e fiansanan pa e proyectonan di PPP, ta indica un mente cu fanatismo pa maneha sin control.

E unico pensamiento cu por a sali for di e mente di gobernantenan anterior tabata:

“No worry, loke bin ta bin”.

Aserca tabatin hopi gañamento y hopi ignorancia, hopi apoyo sin base di Hulanda y CAFT.

Un ehempel clasico di gañamento of politica barata y sushi.

Mi tin un articulo di e prome siman di september 2013 di e Ministro di Finanzas e momento ey, sr de Mesa (sigur cu apoyo total di su consehero e tempo ey Richard Arendsz), cu un bunita grafiek, yen di cifranan y un storia di sr de Meza den cual e ta skirbi cu for di 2010, pa prome biaha den historia di Aruba, finanzas publico ta wordo maneha na un manera profesional y responsabel. E storia ta menciona varios asuntonan p’e positivo, entre nan e ta bisa cu na 2013 e deficit lo baha compara cu 2012, cu alrededor di 130 miyon florin.

Mi tin otro articulo un pagina completo, dia 21 mei 2014, di Ministro Irausquin e momento ey ministro di finanzas di Aruba cu cifranan di 2012, 2013 y ontwerp begroting 2014.

Ariba un otro pagina Ministro Irausquin tabata yora con malo e maneho financiero tabata na Aruba e ultimo añan-an bao di sr de Meza, cual a trece un desaster financiero pa Aruba. Juan David a bisa “na 2013 Gobierno a gasta mas di 300 miyon florin pa cual no tabatin entrada”.

Ora nos analisa e pagina cu cifranan, laga nos coy solamente 2013, nos ta mira cu tabatin un Exploitatie-tekort di 287 miyon florin. Aserca e tekort di Kapitaaldienst tabata 267 miyon florin.

Bo mes por saca bo som ariba e gañamento baho y vies di e ministro na september 2013.

Awe nos sa cu e ta prome responsabel pa e actual desaster financiero di Aruba.

Ta e mesun ministro aki, responsabel pa e Hedging malo algun aña pasa, algun dia pasa ta bisa, wak, Gobierno nobo a bini cu hedging atrobe. Kico e ta busca? Apoyo pa su hedging malo! No ta pornada, e politico Nisbet ta yam’e Mike The Mess.

Awe Gobierno no mester purba di gaña ningun hende, bisa e berdad kico nos por spera pa e presupuesto 2018 y 2019. Cuanto e deficit ta pa 2018 florin manera. Gobierno anterior lo a pretende cu e ta cero florin. Informacionnan den prensa ta bisa, un 200 pa 250 miyon florin. Kico ta e medidanan cu pueblo por spera. No yama nan ahustacion manera gobierno anterior a bisa. Nan ta medida y necesario pa salba Aruba for di e mal gobernacion di e gobierno anterior. Pueblo mester ta bon informa. Kico nos por spera di e negociacionnan cu Hulanda.

Algun dia pasa un parlamentario di bishita na Aruba a bisa cu Aruba ta Failliet. Aruba no ta un empresa, pero cu e situacion ta malo, ta berdad y sigur for di como 4 pa 5 aña pasa.

Hulanda y CAFT a trece normanan pero cada biaha nan a “kijk door di vingers” ora Gobierno di Aruba tabata trece (crea) incidente inkomsten.

Pues pa awe bisa cu Aruba ta bancarota ta prueba di un politica barata, unda Hulanda y CAFT ta coresponsabel pa e situacion financiero malo. Pero ban keda positivo y laga gobierno haci su trabao, sperando cu e ta informa pueblo na un forma corecto.

E ta continua mañan

Gregorio Wolff

CABES DURO

Xpresa bo mes

POCO despues di e derota electoral di AVP na 2001, Plataforma Accion Aruba Dushi Tera, un organisashon capa di entidad no-gubernamental, a entrega un proposishon na Parlamento nobo pa instala un comishon. Esaki mester a investiga posibel acto corruptivo di e gobierno anterior di manera independiente.

Na januari 2002, esaki a conduci na un moshon den cual a pidi gobierno pa instala un comishon di berdad. Su tarea tawata pa investiga algun proyecto di gobierno cu a ehecuta durante e gobernashon anterior. Paso-bra den comunidad tawatin bastante duda tocante integridad den esakinan. Motibo di tur esaki tawata e manifestashonnan grandi cu a tuma luga durante e añanan anterior, entre otro contra e proyecto di Racetrack. A culpa e gobierno concerni di malgovernashon. Ademá, entre otro Controlaria General a publica documento cu a indica cu tawata falta transparencia den toma di decishon y ehecushon di algun proyecto.

Encuesta parlamentario

Pesey tambe a pidi varios biaha pa institui encuesta parlamentario, entre otro pa trece claridad en cuanto e proyecto di Radisson Hotel. For di comunidad tambe a sali petishon den e direcshon ey. Dia 5 di juni 2001, Aruba Trade & Industry Association (ATIA) a suplica Parlamento den un carta habri pa hiba un encuesta parlamentario tocante maneho di personal di parti di e gobierno en cuestion. Casi un año despues, ATIA a haci otro petishon pa encuesta parlamentario tocante e siguiente casonan: Beta Hotel, Plantation Bay, Eagle Beach Hotel, e caso Fuentes, Trias Resort y e proyecto di Racetrack. Sindicato SEPA a sugeri pa hiba un encuesta parlamentario tocante e caso di Bushiri.

Como cu a propone un cantidad grandi di caso pa investiga mientras cu un encuesta parlamentario ta designa pa un caso specifico, a bira necesario pa duna Parlamento conseho al respecto. Esey tawata un di e tareanan di Comishon di Berdad (CdB) cu a keda instala. E atenshon principal di CdB tawata integridad di gobierno y combatimento di criminalidad. Esaki tawata di gran importancia como cu na hopi pais corrupshon ta mara na crimen organisa,

locual ta hopi dañino pa democracia. Di ningun manera esaki tawata algo di fantasia, manera a resalta for di e rapport Koerten di parti di Servicio di Seguridad di Aruba. Segun nos Servicio di Seguridad, tawatin lazo estrecho entre criminal di droga y gobernante.

Modus operandi

CdB a investiga un gran cantidad di proyecto, entre nan garantia di hotel, e problematica di Interbank cu CSS y FCCA, e asunto di 'lucht- en zeebrieven', Air Aruba, e proyecto di radar, expanshon di haf y aeropuerto, Setar, e proyectonan di ATES y Bushiri Hotel, racetrack, parke di avestruz y 'dividend-special'. Pero a duna e Plan Desaroyo Nobo San Nicolaas (PDNSN) e atenshon principal.

Coperashon di e director di Servicio Central di Accountant di e tempo ey y secretario di Consejo Consultativo a determina grandemente calidad di e raport. E modus operandi dudoso di gobernante den colaborashon cu nan 'partnernan di negoshi' a resulta claramente for di e raport aki. Especialmente e investigashon di PDNSN a demostra esaki (mira: <http://deugdelijkbestuuraruba.org/wp-content/uploads/2016/10/Een-kwestie-van-mentaliteit-Comishon-di-Berdad-Groot-1.pdf>). Al fin y al cabo e raport a conduci na denuncia di parti di CdB contra 8 persona, incluso un ministro. A sentencia tur pa motibo di corrupshon. Manera tawata di spera, segun e partido concerni tawata trata di persecushon politico.

Historia ta ripiti

Recientemente Controlaria General a publica e raport Bo Aruba. E conclushonnan principal tawata cu di ningun manera no tawatin un plan di estructura integral locual a trece riesgo cu cos por sali for di man. Ademá e falta grandi di informashon ta haci cu hopi proyecto ta incontrollable. Di mes esaki ta hiba na e riesgo cu no ta uza e medionan na un manera drechi y/of efectivo. Consecuentemente e riesgo ta grandi cu e forma di proceder cu a hiba lo tin consecuencia financiero negativo grandi pa Aru-

ba. Esey ta pa motibo di e gran cantidad di placa involvi. Mientrastanto a gasta Afl. 1 biyon di e Afl. 1,6 biyon cu a proyecta. Compara cu esaki, e casi Afl. 50 miyon cu tawata involvi den e PDNSN tawata simple peanuts (5%).

Anke e raport di ARA tocante Bo Aruba, den comparashon cu su raport tocante PDNSN, ta hopi limita y superficial, ta parce cu tin varios similaridad entre e forma di proceder den tempo di PDNSN. Esey ta asombroso. En bista di e casonan legal cu basta consecuencia emoshonal pa esnan involvi, lo a spera cu lo a siña algo y cu lo a procede cu hopi mas cuidou.

Ta parce cu nada di esey a tuma luga. Al contrario! Pasobra e partido concerni ta duna e impreshon fuerte di a actua na un manera dudoso dor di a aparentemente kita un gran cantidad di documentashon digital y 'duro' tocante tur tipo di proyecto di e ultimo añanan for di conocimiento di e gabinete actual. Di e forma aki posiblemente el a hinca su mes den otro aventura penal. Pasobra for di e veredicto 'Computergegevens FCCA NJ 1997/574' ta resulta cu kitamento di cargador di informashon cu ta pertenece parcial- of completamente na un otro (den e caso aki FCCA, of den caso hipotetico, di gobierno), por resulta den persecushon penal. E veredicto aki mester ta conoci cerca gobernante di e gabinete anterior.

Les

Pa e gobierno actual esaki ta nifica cu mas cu nunca e mester pone orden den e desorden y cu e mester sigui e criterionan di bon gobernashon y e stipulashonnan di ley di Comptabilidad (cu por cierto mester actualisa) na pie de la letra y de su espirito. Especialmente tumando na cuenta cu varios di su propio ministernan tawata directamene responsabel y/of involvi den mayoria di e proyectonan menshona/investiga. Pesey tambe e mester hunga carta habri y mester completa eventual investigashon cu mehorashon concreto. Sigui postpone esaki ta nifica cu ta sigui mantene un ambiente fertil pa gobernante sigui comporta na un manera criminal.

Inscripcion pa Srta Aruba



DAMANAN hoben di 18 te cu 26 aña, esaki ta bo oportunidad pa inscribi y representa bo distrito na e certamen nacional Srta. Aruba.

Lo participa pa keda cu e oportunidad di representa Aruba na Miss International y na Miss Bikini Universe, den luna di october 2018.

Pa formulario di inscripcion por email na missarubafoundation@live.com.

Facebook: Srta Aruba.

Instagram: srtaaruba.

Of yama na 5971221.

E aña aki Srta. Aruba 2018 lo wordo dedica na Dione Croes, Top 15 Miss International 2001.



Carta habri di Isai Labadie tocante certamen di Srta. Aruba

ARUBA a haci su debut na Miss Mundo y na Miss Universe na 1964 cu nos maximo representantenan e tempo ey cu ta Mary Croes y Lydia Henriquez, bou direccion di sr. Watti Chay d.f.m, di Oficina di Turismo y Sr. Milo Croes d.f.m. Na 1974 Aruba Promotion, bou di presidencia di sr. Ronny Brete, a manda e tempo ey Maureen Ava Vieira, pa Manilla Phillipinas unda cu pa prome biaha Aruba su number ta resona entre tur e grandinan den mundo, como di Cuater Finalista di Miss Universo.

Na 1990 Gwendelyne Kwidama ta logra drenta den e top 10 na Miss Mundo, y na 1994 Alexandra Ochoa a representa Aruba na Hapon pa prome biaha na Miss International, y aki un biaha mas Aruba su number ta resona como Prome Finalista.

Na 1996, ainda ta fresco den nos memoria ora cu na Las Vegas Nevada, Taryn Mansell ta haci nos hopi orguyoso y ta pone e number di Aruba hopi serca di e corona di Miss Universo, kedando como Prome Finalista.

Mientras na december di e mesun año, Afra Henriquez a logra posiciona su mes den e top 10 di Miss Mundo.

Na 2000 Carolina Albetsz ta bira Miss National Costume na Tokyo, Hapon, na e certamen di Miss International.

Na 2001, Dione Croes ta drenta den e Top 15 di Miss International, y te na Sur Africa Zeralda “Zizi” Lee ta bolbe laga Aruba, un isla asina chikito ariba mapa mundial, su number resona como Prome Finalista di Miss Mundo.

Y na 2002 Rachelle Oduber ta clasifica como semi finalista den Miss Mundo.

Y asina nos por menciona mas di otro mucha muhernan Arubano cu a conkista diferente otro premio den diferente di e certamennan aki,

Na 2002 tabata e prome biaha cu Aruba a participa na e certamen di Miss Earth,

unda cu Yuranney Toppenberg a representa Aruba, e año ey e certamen tabata bou guia di sr. Raymundo “Atan” Lee.

2007 y 2008 Aruba ta gana e titulo di Miss National Costume na Tokyo, Hapon, na e certamen di Miss International cu Jonella Oduber. Nuraisa Lispier y na 2011 Vivian Chow ta gana e titulo di Miss Goodwill Ambassador of beauty na Miss International.

E 4 certamenan aki ta conta cu participacion di mas o menos 78 pa 120 pais tur año, unda cu prensa rond mundo y hopi persona, amantenan di e certamen, ta sigui esaki di serca.

Na 2015 tabata e ultimo certamen nacional di srta. Aruba, unda cu a conta cu 10 participante pa representa Aruba, tanto na Miss International y Miss Earth.

Na 2016, pa falta di cooperacion y sponsor, a dicidi di haci coronacion y a haci lo maximo pa por a manda un representante na ambos certamen, tanto na Miss International y Miss Earth.

Preocupacion

Ultimamente a lanta hopi organizacion cu no ta ni registra na Camara di Comercio y ta haci certamen, of manda representante den exterior na certamenan no popular, unda 8 of 9 pais ta participa. Esaki ta trese cun’e cu ora un organizacion serio a sali y busca sponsor, ya e otro organizacionnan aki a pasa dilanti y no tin mas ayudo of sponsorship disponibel mas pa e certamen cu ta ser menciona ariba.

Y asina ta haci e trabou pa manda un representante di Aruba na un di e 4 certamenan aki uno dificil pa participa. Sigur, teniendo na cuenta cu un di e certamenan aki, ta encera hopi trabou, preparacion y placa.

E representante por ricibi yudansa di su famia of amistadnan den cierto cosnan, pero e detayenan di mas grandi y importante ta den man di e organizacion, cu na su turno mester por conta cu apoyo di Gobierno, Oficina di Turismo y Com-

ercio, pa asina por cubri e gasto di, por ehempel, pasashi, franquicia trahe di gala y fantasia.

Na momento cu e candidata yega na e pais cu e certamen ta tuma lugar, ta Aruba e ta representa, y si algo bay no mucho bon, ta Aruba su number ta ser perhudica.

E certamenan aki ta haya masha hopi acohida y atencion, y sigur ta haci nan mas curioso pa conoce tur e candidatanan mas di cerca, y sigur cu cobertura di prensa internacional.

Aruba su maximo representantenan como embahadora, a propaganda pais Aruba, no solamente cu su presencia pero tambe entregando flyers y papia di tur cosnan bunita cu nos pais tin pa ofrece, y nos ta e pais di mas amabel y safe den caribe.

Sponsor, Cultura, diferencia Miss y Carnaval

Hopi di e comerciantenan ta opta pa sponsor grupo di carnaval of un candidata di un organizacion pa reina, pa yuda engrandece cultura, pero e eleccion di reina ta uno nacional cu e candidata no ta representa su pais Aruba den exterior. No solamente e tin e tarea pa habri e parada di carnaval cu su grupo, mientras cu un Miss ta requiri hopi otro preparacion

Comentarionan ricibi di un encuesta tambe ta mostra, cu sponsornan tambe tin mal experiencia cu otro organizacionnan no tin confiansa den cierto certamen, sin tene cuenta cu tin otronan, cu si ta traha drechi y honesto pa pais Aruba

Isai Labadie ta President di Miss Aruba Foundation desde 2012

Den pasado mi a yega di yuda Atan Lee y Renny Lacle, pa varios año den produccion di e certamen di Miss Aruba.

Cu apoyo di sr. Lee y prome Minister di pais Aruba e tempo ey, mi a forma e foundation cu e meta pa trece igualdad y un mihor preparacion pa cu e candidatanan.

[Continuacion na siguiente pagina]

[Continuacion di pagina anterior]

Pero tambe cambia e nomber pa srta. Aruba na nos dushi idioma papiamento, debi cu na 2013 tabata net 10 aña pasa cu a reconose Papiamento como idioma oficial.

For di 2013 te 2015, Miss Aruba Foundation a logra titulonan importante na e certamen di Miss International. Na 2013 a logra Miss National Costume y Miss Goodwill Ambassador of Beauty, na 2014 Top 6 Miss National Costume, na 2015 Miss International America (di e 5 continente) y na Miss Earth bronze Miss Friendship.

Nos a haci nos maximo esfuerzo pa por participa y ta riba e mes un nivel cu otro paisnan, e tarea no ta facil, pero si posibel ora bo ta haci'e cu hopi amor y dedicacion, apesar di e contra tiempo y envidianan ricibi.

Nos meta ta pa aporta na nos pais di por manda un bon representante pa cada certamen, sin cu e mester pasa den e caminda duro.

Miss Aruba Foundation tambe ta aporta na yuda otro fundacionan y cu trabounan social.

Insidente cu sponsor y candidata

Na 2015, 2 di mi sponsornan a keda pendiente pa por haci entrega di e premionan corespondiente na e ganador di e aña ey. E ganador por a asercami pa asina hunto nos por a bay bishita e sponsornan, pero esey no tabata e caso.

Despues di e insidente aki, unda cu e ganador a publica riba Facebook cu nunca e no a ricibi su premionan, y asina pone mi nomber y mi organizacion den un luz negativo serca e companianan.

Danki Dios cu e sponsornan a reacciona, bisando cu ta debi cu nan tabata warda riba aprobacion di nan superior cu ta den exterior, tabata e motibo di e tardansa pa haci e entrega di e premionan na e ganador.

Asina e ganador a ricibi su premionan na 2016 y a finalsa loke tabata trata e pre-



mionan cu a keda pendiente pa entrega na dje.

Gobierno di Aruba y Oficina di Turismo y Comercio mester tin un miho control

Mirando loke cu a pasa na 2017, for di luna di maart mi peticion pa cu sponsor a wordo aproba pa e Minister saliente, pero pa un motibo of otro nos a ricibi un carta di e sponsor cu el a haci un ekibocacion y e budget "sponsor" a bay pa un otro organizacion y sin cu por a trece esaki bek pa nos organizacion. Pa es motibo, nos no por a manda un representante di Aruba pa e certamen di Miss International 2017.

Lo ta bon si pa pidi un resumen di e placa aki, cu mas bien tabata destina pa e representaente di Aruba pa bay den e certamen di Miss Internacional, mientras cu e otro organizacion aki no tin e franquicia di Miss Internacional, pero si ta tuma e sponsor cu ta destina pa e Miss internacional.

Oficina di Turismo, boso sosten ta di hopi importancia den e certamen nan aki

Na lugar di nenga peticion, tene cuenta cu e Miss ta un hoben estudiante di Aruba cu ta dispuesto pa representa y promociona su pais riba e tereno di beyeza y inteligencia, entre e paisnan grandi. E

propaganda cu e candidata ta haci pa su pais ta algo impagabel y e Miss ta conta cu boso ayudo, mescos cu ora ta sponsor cualkier concierto, deporte of persona di exterior cu ta bin haci nan proyecto di moda na Aruba.

Representa bo pais den un certamen di beyeza ta algo hopi serio y di responsabilidad, y actualmente no ta wak e importancia di esaki.

Acaso e mester gana un premio den exterior pa e ora ey so uze pa publisidad?

Na mi opinion, mester por tin presupuesto pa e candidata pa e por ta sigur di su mes y asina e por tin un preparacion di mas o menos 10 luna, prome cu e bai den exterior y pa asina e resultadonan tin posibilidad di ta exitoso.

Isaï Labadie, Presidente di Miss Aruba Foundation, ta spera di por ricibi cooperacion pa por realisa e certamen nacional 2018, cual ta dedica e aña aki na Dione Croes, Top 15 di Miss International 2001.

Gobierno di Aruba, Oficina di Turismo ATA y Comercio di Aruba: den futuro ta bon pa sostene Aruba su representantenan den e 4 certamen di Beyesa mas grandi y conoci rond mundo, cu tin hopi aña di existencia, y Aruba semper tabata presente.



Deporte

Barracudas Synchro Aruba su atletanan a landa mas cu 5,000 laps den dos ora!



DIASABRA ultimo a tuma lugar e di 5 aquathon di e unico club di synchro, di Aruba, Barracudas. E meta principal di e Aquathon ta pa recauda fondonan cu ta yuda e atleta representa Aruba na competencianan den exterior. Un total di 30 atleta a participa landando 2 ora consecutivo pa asina logra mas laps posibel. Den 2018 nos atletanan lo forma parti di e siguiente competencianan:

CARIFTA (Jamaica), CCCAN (Aruba), UANA (California, USA) y CORAL SPRINGS (USA) pa menciona algun.

Durante e evento aki e atletanan a landa un total di 5,157 laps!!!!

Un danki ta bay na TUR persona y of compania cu a sponsor un atleta y a contribui na yuda nan hasi un soño bira realidad. E atletanan por sigui busca sponser te cu dia 28 di februari y nan tin tempo ainda pa colecta e donacion di e sponsters. Mas hopi e atleta colecta, mihor p'e! Asina ta, NO descurasha, ainda tin tempo pa sigui colecta.

Riba nos facebook page Barracudas Aruba por admira mas imagen di e evento aki y e bon ambiente cu tabata reina. Mayornan, Welo- y Welanan, amigonan y conocirnan a bini hunto pa apoya nan Barracuda preferi. Un PABIEN ta bai NA TUR ATLETA di parti directiva di Barracudas Aruba.

Deporte

Off Road Aquathlon Sprint y Super Sprint cu hopi participante



E di dos evento organisa pa Aruba Triathlon Association tambe a resulta den un exito rotundo. E Guardian Group Off Road Aquathlon Sprint y Super Sprint na Arashi a conoce un total di 57 participante. Tanto den e categoria di adulto como di mucha e evento tabata bon atendi. Den e Off Road Aquathlon Super Sprint mester a core un distancia di 2.2km pa despues landa riba un distancia di 375M pa despues finalisa e evento cu un careda na pia di 1.3km. Pa loke ta e Sprint e participantenan mester a inicia e evento cu un recorido na pia di 4.4km pa despues landa un total di 750M pa despues finalisa e evento cu un careda na pia di 2.6km. E landamento a tuma luga den e awanan di Arashi, mientras e careda na pia a tuma luga ariba e beach di Arashi mientras cu a pasa patras di Light-house. Pa loke ta e resultadonan final mester bisa cu den categoria Overall Masculino, Giannon Eights ta gana den un tempo di 39.27. Na di dos lugar a keda Fransisco Rivera cu 43.48 y na di tres lugar a keda Sean Toppenberg 43.56. Den categoria Femenino, ta gana Linda Smith den un tempo di 49.19. Na di dos lugar a keda Amadee Nicolaas cu 50.11 y na di tres lugar a keda Sandra Postma .57.02. Den e Relay Open, e prome lugar a bay pa Flory Kock/Zyhon Geerman den un tempo di 49.19, di dos lugar Gregory Wouters/Kelvin Gama 39.10 y na di 3 lugar Kenrick Pichard Joshwa Jansen 40.23. Den categoria Kids Masculino, Tyree Koeiman cu ta gana den un tempo di 24.00. Na di 2 lugar a keda Christiaan Jansen cu 24.59.y na di 3 lugar a keda Rylan Semeleer cu 25.08. Den categoria Kids Femenino, ta gana Rebecca Janse den un tempo di 26.35. Na di dos lugar a keda Aleeza Semleer cu 26.46 y na di tres lugar a keda



Vera-Elise Bakmeyer 27.06.

E proximo evento di Aruba Triathlon Association lo ta 11 di maart, e biha aki un Triathlon Super Sprint y Sprint cu lo tuma luga na Boca Catalina pa 7 di mainta.

Un danki sigur na Lotto, e Loteria di Aruba pa medio di Stichting Sportsubsidie Aruba cu ta subsidia e evento di Guardian Group Off Road Aquathlon Sprint y Super Sprint organisa pa Aruba Triathlon Association

Cumprando weganan di Lotto, e Loteria di Aruba manera Catochi, Big 4, 1-OFF, Zodiac, Wega di Number Korsou di Lotto, Lotto di Dia, Lotto 5, Mini Mega cu su Mega Plus y e diferente weganan di Raspa Y Gana, bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Stichting Sportsubsidie Aruba.



Aruba Basketball Bond a inicia cu nan campeonato di basketball cu 21 ekipo

UN total di 21 ekipo den e categorianan di mini te cu senior A klas a participa na e ceremonia di apertura di e campeonato di Aruba Basketball Bond cu a tuma lugar den Centro Deportivo Betico Croes na Sta Cruz. Mester bisa cu bou di un entusiasmo grandi di mayoran, famia y conocirnan e ekiponan a desfila den nan outfit di basketball. E aña aki lo tin competencia den e diferente categorianan di manera mini paserela, cadet (u17), junioren y A klas. Ekiponan participando na e campeon di A.B.B ta Estrella Club, Aruba Jrs, Sports Unlimited Round, AKA Steelers, Esso Heights Playground y De Vuist.

Mirando e cantidad grandi di mucha, hoben y grandi cu ta practikando e deporte di basketball ta un indicacion cu e deporte ta bayendo den bon direccion. Mester sigui apoya y duna e sosten necesario na e federacionnan deportivo cu tin hopi atletanan ta guia tur dia, specialmente e deporte colectivo. Mas mucha den movecion mas mihor ciudadano sano nos por forma pa futuro. Un pabien grandi na henter e directiva di Aruba Basketball Bond. Un palabra di exito na e refereenan, dirigenten, scorenan y tur e ekiponan participando na e campeonato e aña aki. Corda semper riba Fair Play.

Un danki sigur na Lotto, e Loteria di Aruba pa medio di Stichting Sportsubsidie Aruba cu ta subsidia e campeonato di basketball organisa pa Aruba Basketball Bond.

Cumprando weganan di Lotto, e Loteria di Aruba manera Catochi, Big 4, 1-OFF, Zodiac, Weg di Number Korsou, Lotto di Dia, Lotto 5, Mini Mega, Mega Plus y weganan di Raspa bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Stichting Sportsubsidie Aruba.



Deporte



Lotto ta desea Aruba Little League tur clase di exito cu nan temporada di baseball 2018

UN di e temporadanan di mas dushi pa nos muchanan a inicia diabierna ultimo den stadion di Nadi Croes/ Crismo Angela ora cu Aruba Little League bou di un entusiasmo grandi a tene nan ceremonia di apertura campeonato 2018. E temporada mas dushi di baseball a inicia na Aruba. A inicia e atardi cu un bunita y colorido desfile di tur e tres liganan participando na e campeonato di Little League Baseball. Mas cu claro e tribunanan tabata yena di mayor, famia y cono- cirnan como tambe e fanatico di baseball cu a bin presencia e atardi aki. Aña pasa, Aruba Little League a tene nan ceremonia di apertura den Joe Laveist Ballpark na San Nicolas.

Mester bisa cu un bes mas varios ekipo di Nort, Center y South League den e divisionnan di Little, Junior y Senior a participa na e bunita desfile cu tabata uno colorido cu ekiponan bon uniforma. No por keda sin menciona e ekiponan di softball femenino cu tambe tin nan campeonato y cu varios ekipo tanto pariba como pabou di brug. Nos por a mira e hobencita Ilajay Tromp cu su mesun

ekiponan den e desfile cual ta algo di aplaudi. Cu otro palabra e softball femenino tambe ta creciendo. E campeonato e aña aki a wordo dedica na e legendario dirigente y coach Sr. Braulio Wester, awe den felis memoria. Recientemente Sr. Braulio Wester su number a wordo menciona den e World Congress di Little League Mundial na New Orleans, Merca pa su dedicacion di 60 aña na e deporte di baseball y mas cu claro e formacion di nos muchanan na Aruba. E deporte di baseball sin duda ta grandi na Aruba y hopi gusta y practica. E influencia positivo di nos pelotonan den exterior ta un di e factornan pa cual hopi mucha kier realisa un soño den deporte, principalmente den baseball.

Un palabra di exito na tur e ekiponan participante tanto den Nort, Center y South League como tambe na coach, manager, umpires, fanatico y tur cu ta yuda engrandese e baseball di nos dushi isla Aruba.

Un danki sigur na Lotto, e Loteria di Aruba pa medio di Stichting Sportsubsidie Aruba ta yuda subsidia e



campeonato di baseball organisa pa Aruba Little League.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Stichting Sportsubsidie Aruba.



Lotto ta felicita e delegacion di taekwondo cu a logra triunfo cu e premio maximo den e TK5 junioren na Surinam



DEN un Congreshal repleto di hende, e mayoria personanan di Surinam, nos delegacion di taekwondo a bringa diabierna anochi despues a apenas un dia y mei di descanso. E di 7 edicion di e TK5 na paramaribo Surinam organisa pa e scol di taekwondo Arty Lie a premira di bira uno grandi cu participacion di paisnan manera Surnam, Frans Guyana y Aruba mes.

Aruba cu un total di 8 atleta a bataya prome den e categoria di 12-14 anja. Arthy Lie di Surnam tabata e prome contrincante di e team di Taekwondo di Aruba. Aki e tres atletanan Ha-keem Lowe, Jahmani Eisdien y Josh-

ua Klaber den un pelea basta fuerte a cay venci cu score di 44-33 contra e team Cadet TK3 di Surinam.

Den e categoria di 15-17 Aruba cu un total di 5 atleta a bataya fuerte den e prome buelta contra e team di Yu Sin di Surnam. Aki e atletanan Rasheed Lowe, Rouell Baarh, Shaquille Barry, Zahyon Klaber y Nathan Fradl a domina e combate desde comienso y a sa di gana Suriname cu score abundante di 79-17.

Den e di 2 round Aruba a enfrenta e team fuerte di ekipo di Arthy Lie di Surinam. Den un pelea hopi fuerte mes contra e team di Surnam, Aruba

a sa na gana cu score convincente di 38-19 y di e manera aki sali campeón den e TK5 junioren na Surinam. Mester bisa cu esaki ta pa varios anja caba cu nos muchanan ta gana e TK5 na Surinam sea ta den un of mas categoria.

Lotto cu semper ta kere den e talento di nos muchanan, specialmente esnan di taekwondo kier a manda un palabra di pabien na e atletanan di e tres scolnan esta Stichting Brazil Taekwondo, Impact Taekwondo Aruba y San Nicolas Taekwondo Center cu a representa nos bandera dignamente y cu un otro logro grandi pa nos dushi isla.

Deporte



FLpD ta sostene baseball di mucha

Participacion grandi den apertura di Aruba Little League

DIABIERNA a tuma luga e apertura di e campeonato di Aruba Little League Baseball unda cu 14 team di North, Center y South League a participa na esaki, kendenan lo ta competiendo p'e titulo maximo di baseball. Tambe a conta cu presencia di 5 team di softball femenino, kendenan tambe lo ta competiendo p'e titulo maximo den softball. Fundacion Lotto pa Deporte ta orguyoso di a mira un apertura grandi, unda hopi mucha ta practica e deporte di baseball y softball.

President di Fundacion Lotto pa Deporte (FLpD), Di-Stefano Wernet, a hiba palabra e anochi aki unda el a desea tur team exito p'e campeonato. Di-Stefano Wernet tabata honra di tabata presente na e apertura y cu a haci uzo di e veld di Crismo Angela/Nadi Croes, cu ta un veld renoba cu dak nobo y un batting cage. Hopi fanatico tabata presente na e apertura unda cu nan a aplaudi e teamnan. "Mi ta contento pasobra nos mester fanatico pa apoya nos muchanan", asina el a expresa. E muchanan aki ta e futuro baseballistanan den un lista grandi di cual lo sali di esaki e hungadonan cu lo hunga den big league na Merca.

Aruba Little League lo por sigui conta cu e sosten di FLpD, di cual nan ta haya cu e ideanan di e federacion ta uno hopi bon. Baseball di e muchanan ta e futuro y FLpD ta cu futuro y cu e hubentud, asina Di-Stefano Wernet a expresa.

Rudy Donata, District Administrator di Aruba Little League, tabata contento di por a mira hopi mucha y fanatico durante e apertura. Durante e apertura Center League a cambia e nomber pa Liga Central Braulio Wester y pa Aruba Little League esaki tabata algo unico. Baluarte Braulio Wester ta un persona cu a dedica 60 aña gratituamente cu Little League. Minister di Deporte a lansa e prome bala di anochi, unda cu yiu di Braulio Wester a fungi como batiado y Di-Stefano Wernet tabata e catcher pa asina e prome teamnan por a hunga e anochi aki.





Estudionan ku SSC ta finansiá pa studia na Korsou i Region

WILLEMSTAD - Despues di un análisis riba e debe di estudio ku un estudiante ku studia den region por akumulá, a yega na e siguiente desishonnan:

- Pa studia den region SSC ta finansiá solamente estudionan riba nivel di Bachelor i Master;
- Pa Estudionan ku ta posibel na Korsou lo no otorgá finansiamentu di estudio pa studia den region;
- SSC ta finansiá un máksimo di 125.000 florin pa estudiante pa henter su estudio. Esaki ta pa tene e

debe di estudio di e estudiante abou i pagabel;

- A ekstendé e término pa e èks estudiante paga su debe di estudio bèk di 15 aña te na un máksimo 20 aña.

SSC ta trahando riba posibilidatnan pa yega na akuerdo ku skolnan den region pa nos studentenan por haña preis preferensial òf bekanan parsial òf kompletu.

Pa mas informashon por yama òf pasa na nan ofisina na Molenplein,



Otrobanda.

E ofisina ta habrí di djaluna pa djabièrnè di 08:00-16:00 nònstòp.

Por yama nos na telefòn 465-8480 òf bishitá nos wèpsait www.ssc.cw òf e-mail nos na info@ssc.cw.

Peterselie: E mata milagroso pa kita cualkier mancha for di bo curpa



TUR hende kier tin cuero saludabel, hidrata y sin imperfeccion.

Ta p'esey tin biaha e ta bira difícil paso nos ta expone nos mes na diferente factor cu ta maltrata y causa alteracion cu ta afecta nos apariencia. Algun di e factornan aki ta:

- Exposicion na solo
- Contaminacion
- Come malo

E factornan aki ta provoca mancha na nos cuero, haciendo cu nos cuero ta musta menos uniforme. E locion natural cu lo mi dunabo siguiente-

mente lo yudabo libra di tur mancha pa asina bo por tin un cuero bunita atrobe.

Preparacion di e locion:

Ta hopi facil pa prepar'e, y ora bo uz'e lo bo mira resultadonan sorprendente. Peterselie ta un di e alimentonan cu ta yuda mas den cuido di bo cuero, tonificando color di nos cuero y aportando propiedadnan cu ta faborece su regeneracion, yudando na disminui iritacion y inflamacion di nos cuero.

- 6 onz di awa lauw of cayente
- 2 cuchara di peterselie mula
- 1 cuchara di juice di lamunchi of e por ta vinager

Forma di preparacion:

Pone e awa herbe y tira e peterselie aden, lage herbe pa 15 minuut y lage fria.

Ora cu e awa a fria ta agrega e juice di lamunchi of e vinager. E locion aki por uz'e mainta y anochi.



Nada kontra e persona pero

Postulashon di komisario nobo den OBNA ta kan-kan di buraku

WILLEMSTAD - Un otro proposishon ku a yega na mesa di SBTNO komo Konsehero di gobiernu den asuntunan di nombramentu, ta esun ku Minister di Finansa ministerio di Kenneth Gijsbertha a manda pa Mr. Donald de Palm i ku ta otro ehempel di 'natte vinger werk'. Kontra e kandidato Konsehero no tin opheshon ku por stroba su nombramentu pero ta e dokumentashon ku mester respaldá esaki, ta modèl baki'sushi.

SBTNO ta e instansia ku pa lei ku ta supervisa si gobiernu of direktiva di NV-nan di gobiernu ta tene nan mes na regla di Kodigo di Bon Gobernashon.

Luna pasá minister di Finansa a proponé señor Shandrix Fernando pa bira miembro dje komisariado di Banko di Desaroyo Korsou.

Por nombra maksimal 15 persona den e hunta di supervishon. Nan ta representá gobiernu, sektor privá i sindikato e.o.

A proponé Shandrix Fernando pa representá gobiernu di Korsou pasobra for di aña 2015 no tin representante di gobiernu den e hunta di komisario.

Konsiderando e kantidat di akshon ku gobiernu di Korsou tin den e banko nan mester proponé dos kandidato i reunion general di akshonista ta nombra un.

E promé fayó di Ministerio di Finansa ta ku a proponé Shandrix Fernando so na lugá di dos.

E minister a splika ku señor Fernando tin amplio konosementu riba tereno di belasting, ekonomia, leinan fiskal i maneho di eksportashon.

E tin años di eksperensia den Offshore i Onshore finansiero i ta duna konseho na klienten internashonal i lokal.

E ta den direktiva di Vereniging Antilliaanse Belastingadviseurs (VAB) i komo tal e por duna su kontribushon



valioso na trabou di OBNA.

E di dos fayó den e proposishon ta ku no a manda e kondishonnan na kual komisarionan mester kumpli for di sèptèmber di aña 2010.

E di tres fayó ta ku no a manda bisa ta kua vakatura e ta bai okupá.

Pero e opheshon mas grandi di SBTNO ta ku e minister no a proponé dos kandidato i por lo tantu e tin opheshon pisá kontra proposishon dje kandidato.

Sinembargo e ta hasi rekomendashon kiko mester drecha ne proposishon pa finalmente por bisa ku pendiente di kambionan e por bai di akuerdo pa nombra e komisario nobo.

Rhuggenaath ta biaha pa Bruselas den kuadro di foro EU-LGO

WILLEMSTAD - For di 2012, e pais i teritorionan LGO di kual nos islanan Karibense Hulandes ta forma parti, ta organisá huntu ku komishon Oropo, un foro entre Union Europeo i Pais i Teritorionan Ultramar ku tin laso ku e pais madre na Europa.

Promé ku esei lo tin un konferensia dje lidernan politiko di e paisnan

Teritorio Ultramar.

Rhuggenaath lo ta na Bruselas di 19 te ku 24 di febrüari komo lider di e delegashon di Kòrsou.

Temanan 'importante' ku nan lo atendé ta:

- kambio di klima i su efektonan,
- biodiversidat, integrashon re-

gional

- i e fondo Oropo number 11.

E embahador di Union Europeo ku ta stashoná na Guyana tabata na Korsou den e di dos siman di yanuari pa diskuti e di 10 fondo europeo.

Kuantu esaki ta no ta konosí pa e persona ku a redaktá e fondo a pone "...."



Shurnel Olbina:

Maniak seksual sentensiá na 12 aña di prizon pa litania di delito

WILLEMSTAD - Korte di promé instante a dikta sentensia den e kaso di e siudadano Shurnel Olbina di 29 aña di edat, kende a keda akusá di kasi 8 kaso di aktonan kastigabel ku ela k, esta di atrako den Nightingaleweg, den Roodeweg, den Kaya Urdal, den Baai Macolaweg i hasta violashon seksual di su víktimanan.

Aparentemente e akusado aki ta un maniak seksual pasobra na aña 2011 tambe Shurnel Olbina a kai será pa violashon seksual.

Fiskal señora Forbes Vicente a pidi un kondena di 15 aña di prizon i djabierne tabata e fase final.

E kasonan ku Korte a trata ta kubri un periodo di 2 yùni 2017 te 28 di yanuari aña pasá.

En prinsipio e akusado aki a presentá sin un abogado, pero despues i te na final el a bin haña asistencia hurídiko

di abogado mr. Alicia Blonk pa su defensa.

E aktonan kastigabel ta varia di ladronisia di lèptop, telefon mobil, ladronisia di prenda, maltrato, menasa i violashon seksual di su víktimanan. Ela yega di dreña kas di e hendenan ku su kara tapá.

ATRAKO KU VIOLENSIA

Den un di kasonan e malechor a saka kuchú pone na garganta di un dama, lastra esaki ademas na su kabei tené den su dormitorio, pone e señora aki dal abou na suela, despues di a batié ku moketa den kara, gritando pa plaka.

E suseso aki tabata di 23 di febrüari 2017.

Dia 24 di desèmber 2016, Bispu di Pasku, Shurnel Olbina a dreña den un kas na Roodeweg, kaminda el a



hòrta e suma di 17.570 florin, mas 4 cheque di MCB.

Dia 2 di yanüari 2017 e akusado aki a bolbe hòrta den e mesun kas den Roodeweg i aki el a forsa bentana di kushina.

Den e mardugá di 23 pa 24 di yanüari 2017 Shurnel Olbina a bai hòrta na Baaimacolaweg, pero aki aparentemente e akto no por a keda konkluí. Kaya Urdal tambe e akusado aki bishitá dos biaha, esta dia 6 di mart 2017 i durante e periodo 19 pa 26 di febrüari 2017.

Delinkuente a sekuestrá dos persona bou di menasa ku arma di kandela

WILLEMSTAD - E siguiente kaso ta di e suidadano Marvielten Zink di 19 aña di edat, akusá di vários delitu, manera sekuestro, menasa di 2 persona ku arma di kandela, poseshon di arma di kandela.

Wes mesora a remarká ku tin algun inklaridat ta aparesé den e prosès-verbal. Pa kuminsá a listra na 5 kas i den e prosèsverbal a aparesé komo si fuera Marvielten Zink ta biba na dos adrès. Pa wes ta inprobabel ku un hóben di 19 aña ya tin dos kas kaba.

Wes a opiná ku mester amplia e investigashon, e kaso aki tabata proforma. Dia 21 di mart lo kontinuá ku trata di e kaso.

E di 3 kaso tabata esun di e duo Turmen Daniel (20 aña di edat) i Edmerson Raphael (21 aña), kendenan polis a gara ku arma di kandela den outo. Ta trata aki di un arma di kandela ku lo mester ta pèrtenesé na polis, loke natural ta lanta hopi strañesa.

Pa Turmen Daniel e kaso aki ta resultá ainda mas kompliká, pasobra durante listramentu ku polisnan a tene na su kas a haña un otro arma di kandela mas. Pero Turmen Daniel ta para ariba ku e no sa di nada, pasobra ta su primu ta drumi den e kamber ei.

Mesora wes a yama e akusado padilanti konfront'é ku mapa di hinter e kas i pa e splika den kua kamber e ta drumi.

Pues ta lógiko ku den e kaso aki tambe investigashonnan lo kontinuá di manera dia 7 di mart binidero lo tin mas klaridat den sala di korte.



Otro proposishon di 'pia'i'palu'

Sistema 'handje-klap' di gobiernu ta stroba nombramentu komisario na UTS



WILLEMSTAD - Ta un hecho di konosementu general den komunidad ku UTS ta un pilá importante den nos komunidad i aktividatnan sosio-ekonomiko.

UTS por laga di ta pasando den mal tempu pero e ta un kompania indispensable den nos komunidad.

Pa manehá un kompania asina bon, e mester di un bon direktiva i bon hunta di komisario.

UTS ta kai bou di minister Zita Jesus.

Un dje eksigenshanan mas pisá kon

ta evaluá un komisario ta mediante e perfil, digamos, e kondishonnan na kual un komisario mester kumpli.

Awe ta hasi nèt un luna ku ministerio bou di kual UTS ta kai a tende dje intenshon di e minister pa adaptá e perfil di Hunta di Komisario di UTS. Pero sea e amtenarnan ku tin ku prepara e perfil aki pe minister manda pa SBTNO no sa lesa of konta, of nan ta kere ku djis anuncia ku 'nan intenshon' i ya e konsepto a yega SBTNO.

Promé biaha ku Konsehero a tende dje intenshon pa adaptá e kondishonnan tabata 19 di oktober di aña pasá pero despues di esei nunca mas nan a manda e konsepto pa SBTNO. Por lo tantu e no por husga si nan ta

bon of malu.

No ta nombra komisario pa nan kara bunita pero pa nan kapasidat i profesionalismo.

Ta p'esei e Kodigo di Bon gobernashon ta indiká ken por ta den e hunta pa por hasi su trabou manera debe ser.

Ora e hunta di komisario mes pone e eksigenshanan riba papel pa bisa komisario di un kompania di gobiernu, nan tin ku menshoná nan spesialidat.

Esei ta pa por evaluá i aprobá of rechasá aktividatnan di UTS manera kon leu nan por bai ku nan plannan di internashonalisashon, balotá e risikonan a medio i largo plaso i konosé e negoshi i su risikonan.

Korsou no ke firma Konvenio di refugiado pa Ulanda duna sèn

WILLEMSTAD - Un plan di yudansa ku sí ta kla ta esun di un sentro de refugiado. A manda e plan akí, ku ta kosta entre 4 pa 5 mion florin, aña pasá Hulanda. Ta resultá ku Hulanda no ta fasilidat e sèn, sino te ora Kòrsou firma e Konvenio Internashonal di Refugiado di 1951.

Gobièrnu di Kòrsou ta di opinion te awor ku no por firma e Tratado akí pa motibunan ekonómiko i finansiero. Resultado ta ku nada ta pasando.

Piò ainda: Kòrsou ta aktuando robes i kontra derechonan humano ku su ak-

tual maneho di deportashon.

Pa motibu ku segun e Konvenio Europeo di Derechonan Humano artíkulo 3 ku ta oponé tal ekspulshon, no por eksigí ku ta manda un hende bèk Venezuela kontra su boluntat, si e persona ei ta kore riesgo den su propio pais (e 'principio di non refoulement'). Desafortunadamente, e prosedimentu di Art 3 ECHR no ta andando ainda. Por ehèmpel, no tin niun protekshon legal.

Ni sikiera pa e sobrebibientenan hóben di e noufragio na Koraal Tabak na prinsipio di e aña akí.

Miéntas tantu, tin un solidaridat kresiente entre siudadanonan di Kòrsou. Mas i mas hende ta duna sosten humanitario na e personanan akí i tin doño di trabou ku ke paga pa legalisá su trahadónan no

registrá.

Ya ta tempu pa nos gobièrnu duna espasio na e inisiativanan di habitantenan di Kòrsou i ta bini purá ku un polítika humanitario mas hustu pa e refugiadonan, i firma e Konvenio Internashonal di Refugiado.

Firmantenan: Ieteke 'Inchi' Witteveen, antropólogo, Rianne Hellings, webdesigner

Ace Soares, open source specialist, Ini Statia, lingwista, Efrain Juliet, profesor i videoproducer,

Dick Drayer, periodista, antropólogo, Herman van Bergen, pintor, eskultor Pedro Driggs, músiko

Walter Pirela, management Food & Beverage



Inspektor di belasting a apelá pero:

Wes a obligá Belasting pa paga siudadano restitushon

WILLEMSTAD - Entre fiestan- an di fin di aña i karnaval praktika- mente na prinsipio di aña kasonan sivil a sigi normal den Korte di Hustisia i un dje kasonan aki tabata di Inspektor di Belasting ku a apelá e desishon di wes pa paga un siudadano restitushon di belasting.

Korte den promé instansia a ordená e Inspektor pa paga e restitushon pero ela apelá i den Korte di Hustisia Komun, nan a konfirmá e veredikto.

Di otro banda tin impreshon ku Departamento di Belasting kier a provoká un diktamen di wes pa haña klaridat riba e punto pasobra e kontribuyente a yena formulario di belasting despues ku Inspektor a dal e un belasting mas haltu di loke e mester a paga.

Normalmente un hende ku ta biba

na Korsou tin ku yena su formulario di belasting 36 luna despues ku ela risibi esaki.

Ora 36 luna a pasa i e no a kumpli, Inspektor a manda kobre ‘ambshalve’, o sea, ela inventá un suma a la ‘natte vinger’.

E kontribuyente a kore yena e formulario ku na su turno a bira un reklamo riba e ambtshalve i kaminda e lo mester a paga muchu menos Loonbelasting ku Inspektor ta kobra.

Inspektor a ninga di deskonta e loke e kontribuyente a paga kaba for di e suma ku Inspektor a fiha finalmente i wes a duna e kontribuyente rason den su demanda.

Speshalmente pasobra e Inspektor a bisa e kontribuyente firmemente ku e ta haña restitushon.

Originalmente a kobre belasting riba

un entrada di 130.781 florin pero despues a baha e suma na un entrada di NAf 91.946 deskontando e parti ku ela paga kaba na Loonbelasting.

E proseso a kuminsa 8 aña pasá i a bin kulminá e aña’ki!

Korte di Hustisia Komun a disidi ku por kobra e kontribuyente solamente NAf 91.946 di salario ku ela gana i kitando e Loonbelasting di NAf 38.595 ku nan a kita kaba.

I ta kontra di esaki Inspektor a bai den apelasion pero a pèrdè e kaso pasobra Korte a disidi ku mester baha e belasting di 38.595 florin te na NAf 22.515.

Per saldo Inspektor a fiha ku na lugá di paga 38.393 florin na belasting e tin ku paga 22.515 i tin ku haña e diferencia bèk.

Shurnel Olbina tabata kombiná robo ku violashon seksual

WILLEMSTAD - Den Kaya Urdal tambe e maniak i ladron residivista a kometé su fechorianan di atrako violento ku violashon seksual.

Den un kas den e kaya ei e bandidu a hòrta sumanan di 325, 1800, i 450 florin, pero tambe kámara di saka pòtrèt, bòternan di wiski white label i blue label, vários prenda i oloshi, mashin di bora etcetera.

Riba algun dje kargonan Wes mr de Kort a haña ku no tin prueba pero sí pa e demas akusashonnan.

Wes a honra e petishonnan pa kompensashon dje sumanan di Nafl. 274,70 komo esun di Nafl. 5967,00 wes a haña ku nan mester keda honrá. Si Shurnel Olbina no kumpli ku pago di e suma Nafl. 274,70 lo e mester sinta un kastigu èkstra di 5 dia.

Den kaso ku e no kumpli ku e pago bèk di 5967 florin, tambe e lo mester sinta un kastigu èkstra di 64 dia.

Ademas a konfiská e vehíkulo ku el a uza pa por a kometé e ladronisianan i demas aktonan kastigabel. Pero por lo demas e kastigu di prizon ku lo e mester sinta i ku wes mr. de Kort a dikta ta 12 aña di prizon, kitando e periodo ku el a pasa den aresto preventivo.

Antisocialnan ta pone venenu di kachó riba hopi kaminda

WILLEMSTAD - 2018 aña di kachó i den 2018 aki na Kòrsou anti-sosialnan ta pone masha hopi venenu pa mata kachó riba kaminda hopi bishitá pa personanan ku ta kana ku nan kachónan. Asosial paso aparte di e kachónan tambe hopi otro bestia manera pushi, yuana, warawara i vários otro tipo di para tambe lo ta bira víktima di e akto aki.

Fundashon I-Animal ta mustra ku venenamentu di kachó no ta parti di nos kultura, ta abusu ku nan ta lamentá i kondená.

E fundashon ta traha duru e aña aki pa konsientisá nos poblashon ku nos mester trata nos animalnan mu-
chu mas mihó. Asina durante marcha di karnaval por a mira un trùk ku bill-board grandi ku mensahe i boluntari-
onan di e fundashon ta kana repartí mïles di foyeto. I-Animal tambe a laga traha flanèl i sticker ku e mensahe “ku no ta nos kultura, ta ABUSO”.


Interesadonan por kumpra pa asina sostené e fundashon i alabes manda un mensahe na komunidat plus Gobièr-
nu, Parlamento, Ministerio públiko i polis ku asina aki no por ni mag sigui. Ban apliká e “aktua robes, sintié un-
bes” tambe pa ora ta trata kasonan di maltrato di animal. Kòrda nan no tin bos i ta nos mester papia i sali na nan defensa.

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por steuns di loke Señor ta hasi"

Conforme cu boluntad di Dios,
nos ta anuncia fayecimento di:



Emiterio Ernestino Bello

Mihor conoci como "Juni"
*08-11-1957 - †15-02-2018

Acto di despedida lo wordo anuncia despues

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Mira con Dios a salba mi,
Tur mi confiansa ta den dJE,
Mi n'tin miedo:
Señor Dios ta mi forsa, mi refugio.
E mes t'Esun cu a salba mi.
Isaías 12:2

Cu inmenso tristeza y dolor na nos curason, pero
conforme cu boluntad di Dios, nos ta participa
fayecimento di



Stanley Felix

Mihor conoci como "Teng"
Propetario di SMECA N.V.
*13-11-1933 - †14-02-2018

Acto di entierro lo wordo anuncia despues

Royal
Funeral Home & Crematory

Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever

Conforme cu boluntad di Dios, nos ta anuncia
fayecimento di:



Ernesto "Netto" R. Arends

*16-10-1934 - †18-02-2018

Acto di despedida lo wordo anuncia despues

Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento

Pa medio di esaki, Famia ta gradici tur esnan cu a
duna nos e sosten y a acompaña nos den e momen-
tonan difícil di fayecimento y entierro di
nos mama stima, wela, bisawela y tanta stima



Marianita Werleman-Croes

Un danki special ta bay na nos ruman Merry y su
Famia Evy y Jurgen, sra. Anchi, sra. Yaisy, tanta Arelis,
sra. Lola, sra. Olivia, Oma Illes, sra. Helena, sra. Licha,
sr. Stanley Booi, sr. Eldrick Cellaire, Dr. Cassares, Dr.
Mungra, Dr. Kock y Wilhelmina Kankerfonds.
Si den nos tristesa nos por a lubida un hende, nos ta
pidi despena.

Un gradicimento tambe na tur esnan cu a yama, a
manda mensahenan via carchi, whatsapp, e-mail, a
manda flor, krans y anuncio den corant.

Danki na tur pa e dedicacion, yudansa y pasenshi.

Alabes nos ta invita boso pa tres (3)
Santo Sacrificio di misa cual lo tuma luga:
Dialuna 19 di februari 2018 pa 7'or di anochi na misa
Immaculada Concepcion na Sta Cruz
Diarazon 21 di februari pa 7'or di anochi na misa
Immaculada Concepcion na Sta. Cruz
Diasabra 24 di februari pa 7'or di anochi na misa
Immaculada Concepcion na Sta. Cruz. Despues di e
ultimo misa lo tin un rosario na cas na Macuarima pa
descanso di alma di nos defunto stima.

Den number di tur yunan y Famia Werleman - Croes


Royal Funeral Home & Crematory

Cumana #44 Tel: 586-4444 / 733-2906
E: royalfuneralhome@hotmail.com / 593-0857 / 731-5847

Señor ta mi wardador pues mi'n tin falta di nada. den
cunucu di yerba berde E ta ponemi sosega.
cu honda pena pero conforme cu boluntad di Dios
nos ta anuncia fayecimento di:

Jose Antonio Rivero

mihor conoci como: "Tony"
ex hefe di Aruba Trading Company
y Tony Service Center.
*17-11-1936 †16-02-2018



Na number su:
Compañera: Sara Rasmijn

Mama: †Angelina Kock
Tata: †Chimbo Rivero

Yiunan: Francisca Rivero & yiunan
Humphy "Veto" Rivero y esposa & yiunan
Rudolph Rivero
Hubert & yiunan
Angeline Rivero & yiunan
Claudia y esposo & yiunan
Ronny v/d Berg y esposa & yiunan
Magdalena "Lena" y Rino Geerman & yiunan

Rumanan: Annie Gregorio & yiunan
†Rosa Rivero
†Antonio "Jo" Rivero & yiunan
†Bibi Rivero & yiunan
†Marucha y Macario Kock
Buchi y Ita Rivero & yiunan

Manera ruman: Ninita Davelaar Helder y yiunan
Iris Croes y esposo & yiu
Gisela Wever y esposo & yiu

Swa y Cuñanan: †Juan Rasmijn & famia
Chinito Rasmijn & famia
Shaky Rasmijn & famia
Mimia Rasmijn & famia
Deta y Doy Farro & famia

Mencho y Chima Rasmijn & famia
Nieto y nietanan, bisanieto y bisanietanan, primo y
primanan, Tanta y omonan, comer y compeman,
amigonan di cas cu ta mucho pa menciona
Amigonan mas yega: Dito Rafini, Olindo Koolman,
Nico Vrolijk, Rene Soemers, Jonco y Isenia Ras,
Doke, Milo y Dolfito Croeze & Richard Croes.

y demas famia: Rivero, Rasmijn, Maduro, Candela, v/d
Biezen, Willems, Ras, Martinus, Gregorie, Dirksz,
Davelaar, Rodriguez, Lo-La-Seng, Krozendijk, Paesch,
Albertsz, v/d Berg, Lopez, Bikker, Koolman, Diaz,
Luydens, Wernet, Oduber, Farro, Quandt, Martijn,
Yarazaray, Vrolijk, Tromp, Alias, Geerman, Kock,
Thode, Wever.

Si nos por a lubida un of otro familiar durante di nos
tristes nos ta pidi nos mas sincero disculpa.

Ta invita tur famia, amigo y conocir pa asisiti na e acto
di entierro cual lo tuma lugar diaranson 21 di februari
2018 na misa Imaculada Concepcion na Sta Cruz.
Nos defunto stima lo ta reposa di 2or pa 4or den misa
y despues pa santana Catolico di Sta Cruz.
Oportunidad pa condoleer: diamars 20 februari 2018
di 7or pa 9or na Royal Funeral Home

Nos ta lamenta cu despues di entierro nos lo no ricibi
bishita di condolencia na cas!

Aurora Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por steuns di loke Señor ta hasi"

Cu inmenso tristeza y dolor na nos curason, pero
conforme cu boluntad di Dios, nos ta participa
fayecimento di:



Hyacintha Flanegin-Thiel

Mihor conoci como "Chenta"
*10-01-1938 - †16-02-2018

Na number di:
su esposo: Nicolaas Flanegin

su Yiunan: Martina Flanegin
Marcia Flanegin
Coromoto Flanegin y Erickson Granviel
Gregory Flanegin y Zulaica Quandus

Yiunan di Oriansa: Angelique Tromp y Maurice Kock
Charmaine Maduro
Vanessa Maduro

Nieta y nietonan: Julli – San Erasmus, Ju – haila Dubero,
Shawn Dubero
Shaymar y Seanmar Bruges
Angele Winklaar y Jean Pierre Fingal
Aishline y Daryenne Flanegin
Zanella y Zion Flanegin
Shaumir Maduro, Jayrick y C-Jay Albertsz
Vick-Jana, Kiara, Kion, Kiano Maduro

su bisanieto: Thiago Fingal

Su rumanan: + Dichi Thiel
Chem y +Mena Thiel - Franken
Maria y +Jacobo Gei – Thiel
Jacobo y Mercedes Thiel – Croes

Sobrino y subrinonan: Vicky Y Ashley Dirksz y yiunan
Christina y Gino Tromp y famia
Raul Gei y yiunan
Lili Gei y famia
Jurraine Thiel y Jose Luis Duran y yiunan
Dody Thiel Y Angelo Boekhoudt

su omo: Chabin Erasmus y famia

Amigonan di cas: Jairo Dubero, Marlon Pieters, Vale
Hoevertsz, Julian, Ethlyn, Emily, Marcia y Dolfi

Su swa y cuñanan, ihanan, primo y primanan, bisñanan,
conociman y demas famia.

Famianan: Thiel, Flanegin, Erasmus, Hill, Gil, Ridderstaat,
van der Biezen, Ruiz, Navas, Peña, Dally

Condolencia lo tuma lugar diamars 20 di februari na Aurora
Funeral Home di 7'or pa 9'or di anochi.
Ta invita pa acto di entierro cual lo tuma lugar diaranson 21
di februari 2018.
E restonan mortal lo ta reposa for di 9'or pa 11'or di mainta
den misa Santa Filomena na Paradera, despues lo sali pa
santana Catolico Pastoor Kranwinkel.

Nos disculpa, si den nos tristesa nos por a lubida un of
otro familiar.
Despues di entierro no ta ricibi bishita di condolencia na
cas.

Aurora Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Bo a cambia mi luto na baile, caba bo a bisti mi di
fiesta. Pesey mi ta canta Salmo pa Bo sin keda keto
nunca mas. O Señor, mi Dios, mi kier alaba Bo pa
semper" Salmo: 30:11-12

A bai sosega den brasa di Señor:



Sra. vda. Crispina Cipriana Tromp-Wernet

*25-10-1947 +12-2-2018

Mihor conoci como Mama Pina
Viuda di Stefanus Tromp

Na number di su
yiunan: Sita Tromp y John Dijkhoff
Swinda y Octavio Ruiz
Jazmin Tromp y Richard Ruiz
Ineyda Tromp y Jairo Dania

Nietonan: Jimmy Peña, Jonathan Dijkhoff y Stefanie
Wernet, Ludwig Ruiz y Sarah Gir, Ottmare Ruiz,
Richenn Ruiz, Jarrich Ruiz, Brandon Maduro, Sean-
wyn Ruiz

Nietanan: Julissa Dijkhoff, Andreina Tromp y Gerald
Morillo, Jossane Tromp y Haimito Geerman, Shirlynne
Maduro

Bisanieto y bisanietanan: Celine, Jayven, Jirziön,
Julirey, Seandrick, Joshue, Jonalienne, Shardwin

Rumannan: Eusebio Wernet
Francisca Wernet
Pablo y Maria Wernet

Sobrinonan: Richard Wernet y famia na Hulanda,
Marcel Wernet y famia na Hulanda
Juan Carlos Wernet y famia, Angelo Wernet y famia

Su iha: Lucita Regales-Wernet y famia

Primo y primanan na Aruba y Corsow

Cuñanan : Dora y Dominico Bermudez y famia, Sra
vda Filomena Orman y famia

Su comer: sra. vda. Alida Wernet-Angela y famia

Su amiga di cas: Tina Gomez

Demas famia: Wernet, Tromp, Dijkhoff, Ruiz, Peña,
Maduro, Garcia Vega, Croes, Morillo, Geerman,
Dania, Orman, Bermudez, Toppenberg, Job

Ta invita pa asisti na e acto di entierro cual lo tuma
lugar diasabra 24 February 2018.

Nos difunto stima lo reposa for di 9 or pa 11 or di
mainta den misa

Inmaculada Concepcion na Santa Cruz, despues lo
sali pa Santana catolico na Santa Cruz.

Nos ta lamenta cu despues di entierro nos no por ricibi
bishita di condolencia na cas.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Hibami cas!!!" palabranan di Adriana
Awor mi a yega cas, pero e cas Celestial,
e cas di Mi Dios.

Awor mi no tin dolor ni sufrimento.
Awor mi tin paz y alegría. Rondona pa cosnan bunita.
Den e brazanan di mi Dios mi ta drumi. Manera un
princes yui di e Rey di Universo.

Awa di wowo y floran ta seca, pero e recuerdonan di
tur loke e la haci y nifica pa su famia y pa su yuinan lo
keda graba pa semper den nos mente y curazon.

Cu hopi tristeza na nos curason,
pero conforme cu boluntad di Dios y agradecido
na nos Dios, pa tur loke e la nifica pa nos,
nos ta anuncia fayecimento Cristianamente di nos:
Mama, Ruman, Wela, Bisawela, Tanta, Prima y Suegra



Sra. Vda. Adriana van der Biezen – Geerman

Cariñosamente yama: Danda , Dudu y Machi.
Vuida di †Gregorio P. van der Biezen
Señor a laga Adriana habri
su wowonan dia 30 di oktober 1921
Señor a laga Adriana cera su
wowonan dia 13 di februari 2018

Den number di su:

Yuinan: †Marcellina
Alejandro y Maria
Benito y Philomena
†Victor y Martina
Julie(Juliana) y yuinan
†Luciano
Florentin y yuinan
Porfirio y yuinan

†Martha
†Dionisio, Catalina y yuinan
Benedicto y Gloria
Marcelo
Brigido y yuinan
Juan , Lilian y yuinan
†Jose

Rumannan:

†Sra. Reinilda (nini) Leon y famia
Sra. Brigida Ras y famia
Sra. Maria Henriquez y famia
Sra. Florita Kelly y famia
†Sra. Ana Geerman y famia

Su amiga di cas cu a stime hopi: Rubiela

Tur su nueranan, nieto- y nietanan, bisanieto- y bisanietanan,
primo- y primanan, sobrino- y sobrinanan, bisiñanan y staf &
personal di Huize Maristella

Demas famia: van der Biezen, Geerman, Tromp, Thiel,
Webb, Albertsz, Semeleer, Leon, Henriquez, Ras, Winter-
daal, Kelly, Jansen, Werleman, Willems y demas famia.

Nos ta invita tur famia, bisiñanan, comer- y compeman,
conociman pa asisti na e acto di entierro cua lo tuma lugar
diamars 20 di februari 2018. Adriana lo pasa cas Sabana
Basora 17 entre 12'or pa 2'or y di 2'or pa 4'or di atardi lo ta
na Misa Sagrado Curason y di Misa pa santana Catolico na
Savaneta.

Fecha , ora y adres pa condolencia: Dialuna 19 di februari
di 7'or pa 9'or, na Aurora Funeral Home

Nos ta pidi disculpa si den nos tristeza nos por a lubida un of
mas famia.
Nos ta Lamenta cu despues di entierro nos no ta ricibi bishita
di condolencia na cas.

Cu Adriana sosega na PAZ den Reino di nos Señor. AMEN

Cacho a spanta peatonnan y nan a kibra porta di cura

DIADOMINGO, pa mas of menos 7'or y 42 di anochi, Central ta
manda patruya den Emmastraat pa un pelea. Eynan polis a papia cu

e dama V., kende a declara cu
dos homber desconoci tabata
cana dilanti di su cas y ora cu
su cachonan a cuminsa blaf,
nan a kibra su porta dilanti sin
ningun rason. Precisamente na
e momento ey su casa P. a sali
for di e tienda y a bay atende
cu e hombernan aki. Nan a re-
acciona agresivo y esaki a es-
cala rapidamente na un pelea.
Durante e bringamento aki P. a
keda herida na su man drechi.
Dado momento e hombernan
aki a core bay den Emmas-
traat direccion nort. P. a sigui
e hombernan desconoci aki te
den un otro cas, unda cu po-
siblemente nan ta biba. Nan
a bisa P cu e siguiente dia nan
lo bin drecha e porta. Polis a
conseha P. pa duna keho di de-
struccion. P. no tabata kier a
duna keho.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento/ Invitacion

Pa medio di esaki su sra. esposa Arline,
su rumannan y demás famia kier a gradici di curason
na Dr Jonkhoff y personal di oncologie, Dr J de Cuba,
Dr J Croes, snijdend piso 4 y su personal pa boso
cariño y atención na ora di enfermedad y morto di
nos defunto stima



Sr Julian Elias Pers
"Eli" of "Janshi"

Boso presencia tabata un gran consuelo
pa nos, danki tambe na pastor Jan, Haime v.d Biezen,
su team Decos, Umpirenan, comishon CBN,
su ex coleganan di Bibliotheek, su skolnan cu e a
bishita y tambe un danki hopi grandi na
Magda Tromp pa su ayudo den misa. Hopi danki na
esnan cu mi por a lubida.

Alavez nos ta invita tur famia, amigo(a)nan y conocir-
nan pa compaña nos na 3 santo sacrificio di misa
cual lo tuma lugar; dialuna 19, diaranson 21 y
diabierna 23 di februari 2018 pa 6.30 pm na misa
Santa Anna na Noord, despues di e ultimo misa tin un
rosario na cas; Keito # 10 pa descanso di su alma.

Boso presencia lo ta altamente aprecia.



OPENBARE AVONDLEERGANGEN ARUBA
BEROEPSONDERWIJS

Openbare Avondleergangen Aruba Beroepsonderwijs

Cu profundo tristeza staf y personal di Openbare
Avondleergangen Aruba ta anuncia fayecimiento inespera di

Sr. Mario de Cuba

Tata di nos colega y amiga Shereen de Cuba.
Hopi forza ta bay nasumama, rumannan y familianan
den e dlanan dificil aki.



Internacional

Maduro ta hasi un yamado na union civico militar arma na Venezuela

E Presidente di Venezuela, Nicolas Maduro, a anuncia ehercicionan militar nobo pa e proximo fin di siman, señalando cu nan ta busca “afinar la puntería”, pasobra e no lo tolera un intervencion stranhero.

“Mi a ordena pa Forza Arma, hunto cu nos pueblo, den union civico-militar, pa haci (...) e ehercicionan militar Independencia 2018 diasabra 24 di februari proximo y diadomingo 25”, Maduro a duna di conoce for di e estado Vargas, durante e salida di e barco scol Simon Bolivar pa un recorrido dor di e 12 paisnan den region.

El a sigui bisa cu e training nan aki lo sirbi pa “afina e mik di e ekiponan, e movimiento di tur trupanen, e tankinan, di e misilnan, di e avionnan, helicopter y, riba tur cos, nos ta bay afina e mik di e alma nacional pasobra Venezuela ta un tera sagrado”.

E ehercicionan aki ta wordo realisa cada aña. Den e ocasion aki, e mandatario a convoca nan despues di a denuncia un complot pa desata un enfrentamento



belico cu Colombia, cual Merca lo ta tras di dje, segun e mandatario.

Maduro a sigura cu e Ehercito Colombiano ta train Venezolanonan pa simula atakenan y asina hustifica un “conflicto arma”.

Y ora di anuncia e despliegue militar, el a bisa cu su Gobierno “no ta mete cu ningun hende”, pero “hamas lo acepta pa e hala militar imperial stranhero bay mishi cu e suela sagrado di e patria Venezolano, hamas”.

E practicanan nobo lo ta “pa demostra mundo cu Venezuela ta di respeta, cu Venezuela ta teritorio di in-

dependencia”, e Presidente y candidato na re-eleccion a enfatisa.

E Gobierno socialista tin como costumber di hasi demostracionnan militar den cual por mira participacion civil, especialmente ora cu tin crisis diplomatico.

Esun mas recien a tuma lugar na augustus ultimo y, segun Maduro, a participa mas di un miyon di “combatiente”.

Oposicion ta realizando consultanan pa dicidi si nan lo participa den e eleccion, pasobra nan ta sigura cu Maduro ta pretende di mantene su mes na poder mediante un fraude.

Paisnan manera Argentina y Colombia a anticipa cu nan no lo reconoce e resultadonan di un votacion convoca pa e Asamblea Constituyente oficialista, cual nan ta tilda di ilegítimo.

Venezuela ta soportando un crisis economico severo cu ta keda refleha den e escases di cuminda y remedi y un hiperinflacion cu e aña aki lo escala na un 13.000% segun IMF.

E situacion aki a sink e popularidad di Maduro, kende segun encuestanan tin mas di 70% di rechazo, maske cu e ta conta cu un poder institucional amplio encabesa pa e militarnan.

Internacional



Ex Fiscal Venezolano a solicita captura internacional contra Nicolas Maduro

E Fiscal venezolano destitui, Luisa Ortega a solicita Tribunal Supremo de Justicia (TSJ) di su pais, ordo di captura internacional contra Presidente Nicolas Maduro, pa supuestamente ricibi soborno for di e compania Brasileiro, Odebrecht.

“Mi ta acudi na e Tribunal Supremo de Justicia (TSJ), na e sala pleno, pa presenta un ‘antejuicio de mérito’ y ta pidi esaki pa dos delito: corrupcion propio y legitimacion di capital”, segun Ortega a duna di conoce den un conferencia di prensa na Bogota.

Segun e fiscal destitui, a keda constata den un investigacion cu e campaña presidencial di Hugo Chavez, na 2012, a wordo paga pa Odebrecht y cu esun cu a ricibi e placa tabata Maduro, kende e tempo ey tabata un Minister.

“El a ricibi e placa for di man di e ciudadanonan Monica Moura y Joao Santana, nan a confesa di a wordo contrata pa Odebrecht pa negocia cu Nicolas Maduro e pago di e campaña y e financiamiento di tal campaña presidencial di Hugo Chavez”, Ortega a detaya.

El a splica cu pa e operacion ey a uza hopi compania inexistente na Republica Dominicana y Venezuela y cu “hopi di e pagonan a keda realisa via Joao Santana, kende hunto cu su casa Monica Moura, tabata esnan encarga di paga Nicolas Maduro”.



E Fiscal a sigura tambe cu e constructora Brasileiro a financia e campaña presidencial di Maduro na 2013 y cu den caso cu e lo gana, manera tabata e caso, e mandatario lo mester a “duna continuidad na e obranan di Odebrecht”.

Tambe el a bisa cu e investigacion a cuminsa na 2015 y cu aña pasa nan a haya “e declaracionnan y confesionnan di no solamente directivonan di Odebrecht, sino tambe di esnan cu a participa directamente den e pagonan y den e contratacionnan pa desarojo e campañanan electoral”.

Pa e motibonan aki, e ex Fiscal a pidi e TSJ for di exilio pa manda Interpol un solicitud pa asina “di forma inmediato” por “genera e alerta (circular) cora di captura”.

“Den e carta cu nos a presenta na e legitimo TSJ di Venezuela nos ta pidiendo (...) pa pone e autoridad com-

petente na Peru al tanto” pa asina detene Maduro “inmediatamente” si e bay e pais ey, manera e “tin proyecta”, el a sigui bisa.


E Gobierno Venezolano a sigura cu maske peru a rechasa su asistencia, Maduro lo bay e Cumbre de las Americas na Lima, diana 13 y 14 di april.

Peru a retira invitación cu a manda pa e Presidente di Venezuela pa e di ocho Cumbre de las Americas. E decision a wordo tuma conforme loke ta estableci den Declaracion di Quebec adopta den e di tres Cumbre de las Americas na 2001.

Esaki ta señala cu “cualkier alteracion of ruptura inconstitucional di ordo democratico den un Estado di e Hemisferio, ta constitui un obstaculo insuperabel pa e participacion di e Gobierno di dicho Estado den el proceso di Cumbrenan de las Americas.



HOBENNAN TA EXIGI CONTROL DI ARMA NA MERCA



ALUMNONAN sobreviviente di e tiroteo na e scol di Parkland, a reclama e Presidente Mericano su vinculonon cu e Asociacion Nacional di Rifle (NRA), den un manifestacion bastante sinti na Florida.

“Na cada politico cu ta ricibi donacion for di NRA: esta un berguensa!”, tabata palabranan di e hoben Emma Gonzalez den un acto na Fort Lauderdale, despues di a keha e contribucionnan miyonario cu Trump a haya for di NRA durante su campaña presidencial di 2016.

Nikolas Cruz, di 19 aña, lo a wordo expulsa aña pasa for di e scol Marjory Stoneman Douglas, ubica den e

ciudad di Parkland. Diaranson mes el a wordo aresta despues cu el a tira indiscriminadamente contra diferente persona den e centro educativo.

“Si e Presidente bin bisami cu e ta un tragedia teribel (...) y cu e no por hasi nada, ami felismente ta bay puntr’e cuanto placa el a haya for di NRA”, Gonzalez a accentua, un hoben di 18 aña, “no ta importa pasobra awor si nos sa, 30 miyon dollar”.

“Esey ta loke e personanan aki ta bal, señor Trump?”, el a puntra dilanti un multitud di hende cu a reuni pa reclama un control mas severo di benta di arma.

“Por ta autorisa pa cumpra armanan automatico no ta cuestion politico, e ta un cuestion di bida of morto”, e estudiante a afirma.

E mensahe poderoso di e hoben a bira viral inmediatamente y e ta trending topic cu su nomber riba Twitter.

Donald Trump no a menciona e problema di e armanan den e discurso solemne cu el a ofrece despues di e tiroteo, den cual el a insisti riba e problema mental di e asesino, sin bisa nada riba e derecho na tin un arma, premira den e di dos amienda di e Constitucion.



AWEMainta

#1 Online

Completamente DIGITAL

Ricibi AWEMainta tur dia den bo inbox

Manda bo E-mail na noticia@awemainta.com

Haya noticia y edicionan di AWEMainta riba nos website

www.awemainta.com

Like nos riba Facebook

www.facebook.com/awemainta